

北5207133  
939



呼倫貝爾邊務調查報告書  
張朝墉書函

報	端	呼
吉	穰	倫
壽	調	貝
	際	爾

呼倫貝爾邊務調查報告序

治邊之道。不貴能戰。而貴能守。漢龜錯論備邊。務徒民實塞。使屯戍益省。輸將益寡。趙充國鎮金城首策屯田。奏凡三上。其便宜十二事。亦不外貴謀賤戰。先爲不可勝。以待敵之可勝。旨哉言乎。旨哉言乎。後之談邊防者。其孰能外之。近世以來。五洲棣通。列強競進。不憚探險拓地。以爲領土。可謂好勤遠略矣。然每得一地。必實行其殖民政策。誠以有人有土。非侈言廣漠。所能坐守。無古今中外。其道一也。我

朝龍興東土。首先征服東海窩集。暨薩哈連諸部。康熙二十八年。復征服羅刹於雅克薩城。定尼布楚額爾古納河界約。自外興安嶺。以達於庫頁島。無遠無近。悉主悉臣。自時厥後。垂二百年。無一將一卒之守。而邊境安於磐石。罔由威德遐邇。大小畏懷。亦中外時勢未移。得以晏然無事也。迨咸豐季年。俄人乘我無備。進據黑龍江左。及烏蘇里江以東。至海濱之地。定愛琿北京兩約。坐失外興安嶺天險。東北邊界。遂無一不關重要。呼倫貝爾居東北邊界上游。西北迤東。處處與俄爲隣。西南控制喀爾喀外蒙古。東南屏蔽黑龍江省城。東清鐵路。自西

邊入境。貫穿黑龍江吉林腹地。又經庚子之變。客主易情。籌防尤急。光緒丁未冬。小瀛奉

命。權領斯土。目睹殘破之餘。熟計防維之要。以爲行政次第。首在邊務。而籌邊必先實邊。實邊必

資屯墾。明年春。因請

省署奏於

朝變通卡倫章程。以守以耕。通力合作。務使戍卒堅久安之志。後來無失所之虞。譬畫綢繆。規模略具。顧邊荒寥落。憑藉毫無。絕塞孤懸。踰度非易。百聞不如一見。知己尤貴知彼。自非實地視察。何以施措咸宜。泊夏時和凍解。水陸可通。檄令調查員揀選知縣齊守謙。測繪員巡檢趙春芳。將弁高等生曲觀海。差遣員府經歷慶祿等。分道詳勘。自五月至十月。凡六閱月。歷千五百里。陸行則疊嶂森林。道路未闢。水行則荒谿絕澗。舟楫難施。以至炎暑蚊蟲。秋風雨雪。靡險弗履。無苦不嘗。乃隨行隨記。隨記隨圖。歸而參互鈎稽。詳繪編輯。又竭五月之力。而竣事。計分篇二十有一。而括以十三門。首國界。嚴疆域也。次河流。次山脉。辨形勢也。次地質。次氣候。明土宜也。次物產。著地利也。次部落。重屬人也。皆就固有者言之也。至欲保其

固有而謀所以布置之。則不能無事於人爲。故次之以卡倫。以植屯墾之基。次之以治所。以立遠大之規。次之以交通。以謀轉輸之利。次之以稅務。以收利權之失。次之以兵防。以銷侵軼之萌。而後終之以俄屯。以見彼族經營之實。籌我國禦之方。取則不遠於伐柯。補牢猶及其未晚。既條分而縷晰。庶本末之兼賅。復附益以圖表。發明其見狀。既詳既實。秩如瞭如。舉而行之。推而利之。此其依據矣。雖然。理論者。事實之母。才智者。幹濟之資。天下事言之非艱。行之維艱。行矣。而靡不有初。鮮克有終。古人於此。尙兢兢焉。矧小瀛之庸鶩無似。可與圖成功計久遠乎。後之君子。洞觀時勢。熟權利害。尙有以補救而廓張之。幸甚。

宣統紀元閏二月既望。暫護呼倫貝爾副都統學部二等諮議官花翎二品銜 軍機處存  
記道宋小瀛序

凡例

一此次調查係專爲籌辦邊務。凡於邊界有密切關係者。均條分縷晰。一一載入。其呼倫貝爾全境。容俟續察。

一倫境歷代均未隸中國版圖。舊有典籍輿圖。復多略北而詳南。無從居今以稽古。此次調查以詳勘見今之邊境實情爲宗旨。沿革則約略言之。以見我

朝拓地之廣。爲亘古所未有。

一額爾古訥河右岸。山脉河流。因調查時期甚促。加以山深林密。未能竟委窮源。尙屬缺漏。其距邊界稍遠山河來脉流域之大者。略據舊圖採補。恐不無沿誤之處。俟後續行查明。再爲補正。

一國界之大勢。沿邊之要地。既繪全圖。復繪分圖。圖所不能繪者。又列表以明之。務期一見瞭然。

一沿邊輿圖。均就足跡所至。目力所達者。而繪之。未至未達之處。概從缺略。其道里度數。與山

之高低遠近。因時促人少。測量器械不全。恐不無少差之處。尙乞鑒諒。

一山河卡屯之名。或蒙古音。或俄音。均就沿邊華民所通稱者而譯之。以期舉而易知。如有與他書稍異者。則註明。以備參考。新命名者。統用漢文音義。

一界內物產。種類甚多。僅就見聞所及。有關實用。擇其大者要者而言之。其他未聞未見之物。概不採入。

一邊備久弛。在在皆須整頓。故不揣冒昧。於已辦擬辦未辦諸大端。每妄參末議。以陳其梗概。明知一得之愚。未必有當。然以身歷其境。僅就管見所及言之。以竊附芻蕘之意。

目錄

上卷

第一

國界 天然界綫。與人爲界綫之沿革。及見今之定界。

第二

河流一 額爾古訥河之源委廣遠及港汊。

河流二 額爾古訥河右岸之支流及名稱。

第三

山脉 額爾古訥河右岸各山及大小形勢。

第四

地質 額爾古訥河右岸平原大小及肥瘠並種植所宜。

第五

氣候 額爾古訥河右岸寒暖度數。

第六

物產一 額爾古訥河右岸山中鳥獸及皮革。

物產二 額爾古訥河及右岸支河產魚種類並如何捕取。

物產三 額爾古訥河右岸各項礦產及已採未採。

物產四 額爾古訥河右岸樹木果品及羊草。

第七

部落 界內山中鄂倫春及收籠方法。

下卷

第八

卡倫 邊界卡倫之沿革及見今分設數目並相距遠近。

第九

治所 界內設治處所及商場。

第十

交通一 界內道路之遠近夷險衝要並應如何開通之處。

交通二 郵車。

交通三 額爾古訥河行船。

交通四 界內應設電綫之處。

第十一

稅務 界內木植羊草牧畜皮張各稅如何徵收及數目。

第十二

兵防一 界內土匪及俄匪之闖入何處最多並應如何設防。

兵防二 沿邊何處最爲險要可以屯兵。

第十三

俄屯 界外俄屯之大小疎密及兵村民村生產風俗。

附錄假道俄境調查記。

第一國界 天然界綫與人爲界綫之沿革及見今之定界。

先王疆理天下首在嚴界域辨華彝蓋國界所在之處即國權所至之處亦即國際之所由生呼倫貝爾實我東北上游邊防要地其正西稍北與東北一帶均與俄國爲鄰尤界學家

五

所宜注意者也然考前代歷史其地多未隸版圖唐虞三代之時地在荒外其詳不可得聞七雄之世稱燕國北有東胡山戎亦未指其地之所在至秦并六國東胡擾邊築長城以禦之凡長城外東北之地咸目之爲東胡蒙恬復斥逐匈奴收河南地匈奴遂北遷漢武帝專務拓邊遣大將軍衛青出塞北征匈奴至於盧胸即今克魯倫河爲中國兵力至呼倫貝爾之始當

是時匈奴遠遁漠北滅東胡分左右部倫境遂爲匈奴左部漢桓帝時鮮卑盛強盡據匈奴故地分爲東中西三部倫境遂爲鮮卑東部在晉則爲地豆于國南北朝爲烏洛侯屬地按皇朝文獻通考云烏洛侯即俄羅斯爲元魏先世所居地又魏書序紀宣皇帝南遷大澤方千餘里厥土昏冥沮洳謀更南徙未行而崩獻皇帝時有神人言于國曰此土遐荒未足以建都邑宜復徙居帝衰老乃以位授子聖武皇帝詰汾帝命南移山谷高深九難八阻於是欲止有神獸其形如馬其聲類牛先行導引歷數年乃出始居匈奴故地證以圖里琛所記匈奴故地即今喀爾喀倫境西與喀爾喀密接其爲烏洛侯國無疑至烏洛侯即俄羅斯實無確據考俄羅斯性質的是歐洲種類且南北朝時其勢尙未東漸其以烏洛侯即俄羅斯恐

非是北魏南遷通中國。烏洛侯仍居其地。魏眞君四年。烏洛侯國來朝。稱其國西北有先帝石室。室有神靈。是歲遂遣中書侍郎李敞告祭。斬樺木以置牲體而還。所立樺木成林。其民益神奉之。今額爾古訥河左右岸。延內興安嶺一帶。多產樺木。亦其證也。又四夷傳云。勿吉在高句麗北。室韋在勿吉北千里。地豆于在室韋西十餘里。烏洛侯在地豆于北。去代都四千五百餘里。西北行二十日。有于已尼水。即北海也。蓋當兩晉南北朝之時。此數國犬牙相錯。游牧無常。遞爲雄長。至隋代。突厥最強。其始自木杆可汗。北併契丹後。拓境日廣。自遼海至西海。東西萬里。自漠北至北海。五六十里。周齊皆畏憚之。後分東西兩部。今俄羅斯西伯利亞部。皆屬東突厥。倫境即其東部地也。唐代突厥衰微。高宗破之。凡僕骨拔野古等。均在倫貝爾地。皆爲羈縻郡縣。唐末五代之時。渤海靺鞨種人強盛。西併契丹。盡得夫餘沃沮地方。五千里。建國於室韋山。至宋契丹強。復其故地。改國號遼。室韋之地。盡爲屬國。故有黃皮子室韋。黑車子室韋。共二十餘部。今倫境之室韋山。並室韋公特嶺。所由名也。按黑車子善作車帳。其人知孝義。地貧無所產。契丹之先。爲回紇。後背之。走黑車子。遂學作車帳。今倫境蒙

古車之氈。雖尙自作也。又朔方備乘。北徼圖說。載契丹東北至嫺厥律水。出大魚。契丹仰食。又多黑白黃貂鼠皮。其人最勇。鄰國不敢侵。蓋即今呼倫貝爾地。又遼道宗曾泛舟黑龍江。即額爾古訥河下游又置鎮州建安軍節度。築城曰古可敦。在今克魯倫河北專捍衛室韋。突厥則倫境之爲

遼屬地。可知南宋之時。生女真。越興安嶺而西。其廣吉利諸部。常游牧於呼倫貝爾兩池。今倫城西北三百餘里。有東西一帶之界壕。舊圖註謂金源邊堡者。即金人博果勒之所浚也。

至元代發祥於斡難河。即今熱龍江上游發源於大肯特山亦名敖嫩河奄有漠北之野。塔塔兒部。宏吉刺部。均爲所吞併。跨怯綠憐河之地。即克魯倫太祖封弟斡赤斤。今倫城北二百五十餘里。根河北

岸。有故城基。城四面共二十步。內有高土臺一。南北長五十步。東西寬二十五步。破琉璃瓦亂積其中。東西路直貫。爲俄人入山者所踐。西門外有水泊。水清而不見底。相傳宏吉刺氏之所居。後入中原。遂以其地爲嶺北行中書省治。和林。即今庫倫。倫境西與庫倫接壤。其爲嶺北省所統治也。可知至明太祖伐元。拔大都。即今北京元嗣主愛猷識理達騰。復奔和林。六傳至坤帖木兒。未幾被弑。鬼立赤。暴立爲可汗。去國號稱韃靼。永樂六年。阿魯台殺鬼立赤。迎



元裔木雅失里立之。嗣因殺明使成祖乃北踰闊灤海以擊破於斡難河。木雅失里復爲瓦刺所襲徙居臚胸河。成祖復親征逾臚胸河至闊灤海。即今呼倫池轉音木雅失里衆潰散阿魯台降。木雅失里爲瓦刺馬哈木所殺。阿魯台擊破瓦刺漸驕塞入寇帝親征破之東走兀良哈。即布特哈地當太祖之時置朵顏泰寧福餘三衛於兀良哈後三衛亦陰附韃靼常爲邊患。倫境東接布特哈實亦韃靼之往來游牧地統觀歷代之沿革古人皆未身履其地所書多出傳聞未必盡確土人不講文字又無紀載可考不過約略言之然或爲外夷或爲敵國或朝貢或征討雖遼金元之拓地廣遠亦大率部落散居爲諸王封地從未有如我

朝之混一區宇實隸帡幪我疆我理者我

太祖高皇帝於癸未征尼堪外蘭此用兵黑龍江之始。天命元年七月丁亥遣大臣率兵二千征

薩哈連。即黑龍江八月丁巳駐營黑龍江南岸凡附近黑龍江呼爾哈部索倫部諸達璦塔庫

喇喇路。方略云即使犬部諾羅路。即鄂倫春又名使鹿部均相率來歸十年太宗命阿賴達爾漢率外藩蒙

古諸貝勒往迫茂明安部下逃入至使鹿部喀木尼堪地方招集葉雷舍爾特庫巴古奈

土古等及其從役家口來獻。凡沿黑龍江南岸之索倫部遂無不奉正朔稱臣妾矣。按使鹿部即今額爾古納河右岸山中之鄂倫春人所使之獸俗謂之四不像其形似鹿故謂之使鹿部。至順治初年羅刹。即今沿邊俄羅斯人始吞併尼布楚地又東竊據雅克薩築城以居。後遂屢爲邊患。索倫達呼爾諸部皆被其侵掠。康熙二十一年始命將出師數旃撻伐於呼馬爾河駐兵相持。羅刹乃懷德畏威不敢狡焉思逞。二十八年遂命領侍衛內大臣會同俄使於尼布楚城議定黑龍江界約立碑額爾古納河岸。其第二條云將流入黑龍江之額爾古納河爲界。河之南岸屬中國。河之北向屬俄羅斯國。此即天然界綫之屬於呼倫貝爾東北者也。但查額爾古納河見今之流域其大勢係北流入黑龍江有東西岸無南北岸。而約內言南北岸者或以將近黑龍江處河水微曲而東故曰南北岸與雍正五年議定恰克圖界約第三條內云查罕敖拉之卡倫鄂博至額爾古納河岸蒙古卡倫鄂博以外就近前往兩國之人妥商設立鄂博爲界復查是年議定恰克圖東西鄂博案內有云由布爾古特依山南巴彥梁起至東邊額爾古納河源阿巴哈依圖。即阿巴山分界該圖云由布爾古特依山南巴彥梁起至東邊額爾古納河源阿巴哈依圖該圖山分界共

立鄂博四十八處。但倫境所設之地。約文則均未載明。復查是年所定之阿巴哈依圖約。共立鄂博六十三處。自查罕敖拉卡倫鄂博。至額爾古訥河最高處之中國卡倫。在此附近一帶。設鄂博五座。於舊有鄂博之塔爾郭達固向北草地上。設第五十八鄂博。舊有卡倫之查罕烏魯向北。貼近沙羅鄂拉嶺。設第五十九鄂博。舊有鄂博之塔奔托羅海向北。貼近博羅托羅海嶺。設第六十鄂博。舊有卡倫鄂博之阿克圖向北。附近嶺上。設第六十一鄂博。舊有鄂博之額爾庫里托羅海向北。附近之最高處。設第六十二鄂博。額爾古訥河之右岸。正對海拉爾河之中間。在阿巴哈依圖嶺之凸出處。設六十三鄂博。此即人為界綫。屬於呼倫貝爾正西稍北者也。今查塔爾郭達固。即塔爾巴幹達呼山。在倫城西北四百五十餘里。高四十餘丈。孤峰特出。石均黑色。上有鄂博二。為倫城西北國界之起點。山下地勢漸窪。其西南即喀爾喀界。南距五里許。有界牌。中書滿蒙文字。係倫境與喀爾喀分界處。聞此界牌十年一換。光緒三十二年。經總管車和札。會查換立。所書之字。即某人於某年月日會查所記。其北即俄境。拜噶省界。惟查舊界約云。於舊有鄂博之塔

爾郭達固向北草地上。設第五十八鄂博。今在草地上之鄂博。無從查考。即暫以此山頂之舊有鄂博為界。擬在此添設卡倫一處。由此東行五里。俄界內有水泡。名下巴爾。按蒙語下泥。巴爾多縱橫約一方里。旁有俄屬布拉牙特人游牧之牛羊羣。布拉牙特與外蒙古及倫屬之新巴爾虎旗人。同種。自明代已隸俄國。再東十餘里。即俄鐵路沙爾松車站。西里許有俄村一。約十餘戶。東南二十餘里。即查罕烏魯。又名查罕敖拉。按蒙語查罕白也。敖拉山也。在倫城西北四百餘里。高八十餘丈。西北距塔爾巴幹達呼山。約五十里。東距鐵路六里許。南距東清鐵路首站之滿洲里。七八十里。查罕敖拉嶺。設卡倫。在該山之陽。相距約三四十里。為滿洲西北最大之山。相連數峰。山石層疊。其北高山頂上。舊有鄂博二。北距三百八十步。微低山頂上。有新立鄂博二。因舊鄂博之平石上。題字數行。文曰。呼倫貝爾副都統宋派委員某。於某年月日勘界至此。東南距五里許。極高山頂。有俄人所立之木架。然舊界約則云。於舊有卡倫鄂博之查罕烏魯向北。貼近沙羅鄂拉嶺。設第五十九鄂博。今則沙羅鄂拉嶺鄂博。無從查考矣。復由此東南行二十餘里。即俄鐵路馬七也夫斯基

車站站南三里許。鐵路旁有俄人所立之木標。上釘雙頭鳥鐵牌。中書俄文。爲鐵路入中國之起點。蓋此站在中俄交界之區。東清鐵路與西伯利亞鐵路。應在此處聯接。乃兩鐵路汽車來往交換處。則不在於此。而在南去四十里中國界內之滿洲里站。站北十餘里有東西邊壕一道甚長。即舊地圖所註之金源邊堡。詢之土人。謂爲金太祖所築。再由此過鐵路東二十餘里。即塔奔托羅海。按蒙語塔奔五也。托羅山也。在倫城西北三百六十餘里。西北距查罕烏魯約四十餘里。此山並列五峰。中峰漸高。多石。附近西北微高山頭。有分界鄂博二。近南極高山頭。有俄人所立之木架。東南十數里。即舊鄂博。山中有鄂博二。山不甚高。多石。迤西南里許。即滿洲里車站界壕。再東三十餘里。越數峰。即索克圖。又名蘇克特依。在倫城西北三百五十餘里。山勢頗高。周圍皆山嶺環抱。近北微低山頭。有鄂博二。爲分界處。山之陰有小樺樹若干株。山南有小泉二。泉水甚王。此處舊有卡倫。刻已作廢。由此而東。皆山嶺相連。東距二十餘里。即額爾庫里托羅海。又名額爾德尼托羅海。按蒙語謂寶貝山也。以山石多綠黑。色故名。在倫城西北三百三四十里。山不甚高。中有鄂博二。爲分界處。再由此東南行。

三十餘里。即阿巴哈依圖。又名阿巴該圖。在倫城西北三百一二十里。山不甚高。與西北邊界各山。皆山脉相連。分界鄂博。在山頂之中。近東南。額爾古訥河南岸微高山頂。有俄人所立之鄂博。上立十字架。偏東有小亭一。北距四五里。即俄屯阿巴該圖。南與我界新設卡倫。相距十餘里。由塔爾巴幹達呼山至此。共一百八十餘里。所立鄂博各山。共計有六。其無鄂博之空地。即以各鄂博相對之直線約計。由阿巴哈依圖折而東北。則以額爾古訥河爲中俄國界。河之東岸爲我屬。河之西岸爲俄屬。但額爾古訥河之上游。即海拉爾河。海拉爾河。由東南來注。流至此。分而爲二。一沿東岸流。一沿西岸流。下游至十餘里。又合而爲一。中間淤爲一洲。長約十餘里。寬三里許。羊草豐茂。其西岸之水。較東岸之水。約寬二丈。俄人欲侵佔河洲之地。遂指沿東岸者爲正流。沿西岸者爲支流。光緒三十四年秋間。因刈羊草。曾相爭執。至今尙未確定。額爾古訥河由此折而東北流。四十餘里。傍我岸有一水泊。名薩布特諾爾。再東北流五十餘里。有新設防邊之孟克西里卡倫。對岸俄屯。名開拉蘇台。再北流九十里。右岸即新設防邊之額爾德尼托羅輝卡倫。對岸俄屯。

名都塔以。再北流八十里右岸。即新設防邊庫克多博總下倫對岸俄屯。名四大列矣粗魯海口。再東北流五十里右岸。即新設防邊巴圖爾和碩卡倫對岸俄屯。名那維矣植魯海圖。再北流五十餘里右岸。即新設防邊之巴雅斯胡郎圖溫都爾下倫對岸俄屯。名卓爾果里。再北流五十餘里右岸。即新設防邊之胡裕爾和奇卡倫對岸俄屯。名布拉。再東北流五十餘里右岸。即新設防邊之巴彥魯克卡倫對岸俄屯。名伯爾今斯克。再北流六十里右岸。即作廢之西伯力布拉克卡倫對岸俄屯。名別勒布得雷。再北流二十里。即新設防邊之球爾特依卡倫對岸俄屯。名滾羅布新斯克。再北流八十里。即新設之吉拉林設治局。西南對岸俄屯。名臥牛橈。西北對岸俄屯。名敖洛氣。再北流五十里右岸。即新設防邊之莫里勒克下倫對岸俄屯。名一勾噶。再北流八十里右岸。即新設防邊之畢拉爾河卡倫對岸俄屯。名畢拉。再北流七十餘里。即新設防邊之牛爾河卡倫對岸俄屯。名瑪林巴西洛夫。再北流七十餘里右岸。即新設防邊之珠爾干河總卡倫對岸俄屯。名烏奚洛甫。再北流十餘里右岸。即新設防邊之溫河卡倫對岸俄屯。名葛其雅。再北流九十

餘里右岸。至擬設防邊卡倫之長甸。距對岸俄屯魯畢約三十里。再北流一百五十里右岸。即新設防邊之伊穆河卡倫對岸俄屯。名烏留賓。再東北流九十餘里。至擬設防邊卡倫之奇雅河口。對岸俄屯。名穆赤堪。再東北流二百里右岸。即新設防邊之永安卡倫對岸俄屯。名一各夫。再東北流八十餘里。至額爾古訥河口右岸。即新設防邊之額勒和哈達卡倫對岸俄屯。名四子。按此處應有界碑。今已無存。由塔爾巴幹達呼山東南至阿巴該圖。折而東北。至額爾古訥河口。延長一千五百餘里。開國至今二百餘年。不但屬於天然者。尺寸未失。即屬於人爲者。其山嶺鄂博。亦尙能循名而責實。惟沿邊俄民。往往有越界之事。康熙二十八年。在尼布楚所定條約第二條有云。將額爾古訥河南岸。眉勒爾喀河口。即莫里勒克之轉音所有俄羅斯房舍。遷移北岸。嗣後雖將房舍遷移。而我界尙無居民。越界之俄人。仍難時時查禁。乾隆二十五年。由塔爾巴幹達呼山。至布魯河。設立卡倫十二。名目章程詳後卡倫章內以防俄人越界。光緒十年。因防俄人越界挖金。復由布魯河以北。至額爾古訥河口。設立卡倫五。越界之事。乃因之而稍息。庚子之變。俄人乘釁而起。驅逐我華

人焚毀我卡倫盤踞我金礦。安設水磨。墾種荒地。河中之魚。山中之草木鳥獸。均一任其取携。三十二年。經前任蘇副都統。復設卡倫十一處。僅由查罕敖拉。至珠爾特依。以蒙人坐守。彼時經前巡撫程公。將吉拉林金廠收回。三十三年。復報稱。俄人在吉拉林南北一帶。越墾居住。經蘇副都統。派蒙員前往驅逐。根株仍未淨盡。是年冬。宋副都統權鎮斯土。越明年春。咨請省署。變通沿邊卡倫。坐卡蒙兵。一律撤換。招募農民爲卡兵。興辦屯墾。以實邊境。復訂立俄人越界刈草伐木納稅章程。其越界安設水磨。墾地挖金。一律禁止。沿邊之主權利權。逐漸收回。溯查俄人越界之故。一原於彼界山童土瘠。牧養牲畜。需用材木。非仰給於我界。實無以爲生。一原於我界之草木豐茂。物產富饒。向爲彼族所豔羨。一原於我界空虛。如入無人之境。一原於蒙人愚弱。以小利餌之。即任彼所欲爲。有此數因。積久遂成爲相沿之習慣。加以庚子亂後。我沿邊一帶之地。彼直視爲己有。今令其照章納稅。實亦非彼所情願。然猶不得不從者。誠恐我一律封禁耳。設使不令其納稅。亦不准其越界。彼實有性命之憂。不惟力之所不能。且亦勢之所不必。當此世界大同。各國均有

交通之便。其優勝劣敗之比例。不在乎邊禁之寬嚴。專在乎邊備之疏密。與實業之興廢。我誠能完整邊備。振興實業。對於內可爲一極大之殖民地。對於外可爲一最近之交易場。國界既不至內蹙。主權人不使外溢。於當今時勢。庶幾得之。

謹按陸路邊界。雖各設鄂博。然年久失修。且新舊參錯。恐多疑誤。水路雖有河流。而港汊歧出。中間淤洲。屬此屬彼。往往爭執。易生界務交涉。亟應咨明外務部。照會俄使。兩國派員會同照約查明。陸路重立界碑。水路立案聲明。以垂久遠。而免膠轕。

第二河流一 額爾古訥河之源委廣遠及港汊

額爾古訥河之上游。在倫城西北三百二十里。逼近阿巴該圖山西。即海拉爾河下游。蓋海拉爾河由東南來注。至此遂分二派。一支流繞阿巴該圖山南。向西南流。爲達蘭鄂洛木河。流至六十餘里。入呼倫池而止。其正流則由阿巴該圖山西向東北流。即爲額爾古訥河。水道曲折一千七百五十餘里。至額勒和哈達卡倫西北。流入黑龍江。唐書稱爲室撻河。南北朝時稱爲完水。元史名也里古訥河。又名也兒古訥河。秘史謂之額而古訥河。然唐書謂室撻河源。出呼倫池。會典及水道提綱。則均稱額爾古訥河上源爲克魯倫河。今查克魯倫河。匯鄂爾遜河。流入呼倫池。即渚而不流。達蘭鄂洛木河。由海拉爾河入呼倫池。亦渚而不流。彼以額爾古訥河源出呼倫池。克魯倫河爲額爾古訥河上源者。蓋未見達蘭鄂洛木河水流之方向。謂達蘭鄂洛木河非由海拉爾河流入呼倫池。係由呼倫池流入額爾古訥河也。豈不誤歟。其所以與海拉爾河同源異名者。緣河流至此。作大轉折。形如人曲腰。以手遞物。額爾古訥。蒙古語謂以手遞物也。故名。由額爾古訥河上游北

流三百七十餘里。至庫克多博。水勢尙不甚大。曲折甚多。水流亦緩。寬不及十丈。深處亦僅及丈。由庫克多博。再東北流三十餘里。有根河自東南來注。水勢漸大。然寬處僅十丈餘。水深尙不及二丈。由此再東北流。四百九十餘里。有牛爾河。一名貝子河自東南來注。兩岸皆山嶺夾峙。又地勢高下迴殊。河水驟大而急。寬處約十五丈。深處約三丈餘。舟行至此。無論上下。均極險難。由此而下。兼匯衆河之水。奔流浩蕩。貫入黑龍江。直有一日千里之勢。其港汊則海拉爾河。轉爲額爾古訥河之處。分爲二汊。中隔一洲。一沿東岸流。一沿西岸流。北流三十餘里。復合爲一。河洲之地。長約二十餘里。寬十里許。再北流四十里。右岸有水泊一。名薩布特諾爾。縱橫約一方里。再北流六十里。至孟克錫里卡倫。東南三里許。有二水泊相連。縱橫約二方里。水含鹼質。卡倫之北。我岸有一河汊。北流六十餘里。復合而爲一。此汊之水。時深時淺。間有間無。其寬處有與正河等者。淺處有與地平者。俄人謂此爲老河故道。想亦意度之詞。非查明劃分。終多膠轕。再北流四十里。至阿魯哈當蘇山。東近右岸有一水泡。名洪吐諾爾。再北流五十餘里。額爾得尼托羅輝卡倫北岸。有一河

汭寬僅丈餘。再北八十里。庫克多博卡房北。近右岸有相連水泊三處。再北流二十五里。巴圖爾和碩卡倫南。有二水泊。再北流二十五里。至俄屯挪維矣。粗魯海圖對岸。我界有一河汭。寬約二丈餘。北流五里許。復合而爲一。再東北流五十里。巴雅斯胡郎圖溫都爾卡倫北。近俄岸有一河汭。北流二里許。復合而爲一。再東北流七十餘里。巴彥魯克卡倫北。近俄岸有一河汭。北流三里許。復合而爲一。再北流六十里。珠爾特依卡倫南。相連有河洲三洲中之地。均不甚寬。近卡房東逼俄岸。復有一河汭。西北流二里許。復合而爲一。再東北流三十里。我岸有一水泊。縱橫約一方里。新命名曲水泡。再東北流一百一十餘里。眉勒爾喀河入額爾古訥河之水。分二汭。莫里勒克卡倫。即在河洲之中。北逼俄岸。相連復有二小河洲。再東北流一百五十餘里。俄屯魚立牙之南。逼俄岸有一河汭。北流二里許。復合而爲一。河洲之地。柳叢甚茂。再東北流一百一十餘里。當珠爾干河入額爾古訥河之北。相連有河洲三洲中之地。柳叢甚茂。再北流五十餘里。當庫魯干河入額爾古訥河之處。相連有河洲四洲中之地。均不甚寬。由此而下。則兩岸之山。相距甚狹。水勢甚大。雖間有河洲。皆水漲則沒。水落則出。至入黑龍江處。復分二汭。一東北流十里許。入黑龍江。一西北流五里許。入黑龍江河洲之地。亦有柳叢。

謹按河中港汭洲渚。屬中屬俄。向無明文。往往各執一說。易生交涉。應由兩國派員會同查明。以河水較大。能航行者。爲額爾古訥河正流。繪圖立案。永遠爲據。免生界務膠葛。

### 河流二 額爾古訥河右岸之支河及名稱

額爾古訥河。由阿巴該圖北流。至庫克多博。三百餘里。右岸並無支河。由庫克多博東北流三十餘里。始有根河。發源於伊克呼里阿林。西北流四百五十餘里。入額爾古訥河。根河亦名旱河。元史謂之撻河。秘史謂之刊木連河。元初合答斤等十一部。立札木合爲局兒罕於此。水寬十丈。深一丈五尺。距河口三十餘里。有新立官渡。渡船二隻。此渡口爲華俄商旅必由之路。俄人販運烟酒。避彼國禁。今皆由此潛越。華人販運烟酒。並入金廠作工者。亦必由此渡河。統計華俄來往各車。日有十數輛。爲沿邊扼要之區。再北流二十餘

里巴圖爾和碩卡倫南。有特勒布爾河。發源於內興安嶺之西。匯喀布勒河諾勒霍諾河。曲折西流。二百九十餘里。入額爾古訥河。水深二尺。寬四丈。再東北流九十餘里。近巴雅斯胡郎圖溫都爾卡倫南。有一小河。寬五尺餘。自東南山內流入額爾古訥河。再東北至胡裕爾和奇卡倫南。有胡裕爾和奇河。自東南來注。水不甚寬。再北至巴彥魯克卡倫南。有珠魯克圖河。近北復有約羅奎河。皆自東南來注。河水均不甚寬。再北六十餘里。近西伯力布拉克卡倫北。有小河自東南來注。再北至珠爾特依卡倫南。有珠爾特依河。自東南山內來注。寬五尺。深半尺。珠爾特依卡倫北。即布魯河。自東南來注。寬不盈二丈。再北鐵現山南。有色木特勒克河。自東南來注。寬五尺。深一尺餘。再東北至吉拉林。有哈拉爾河。即吉拉林河源出內興安嶺北麓。曲折西北流。一百九十餘里。入額爾古訥河。水寬一丈。深一二尺。再北至平泉子南。相連有三小河。河水均不甚寬。來脈亦促。自東南山內來注。再北至莫里勒克卡倫南。有小河。俄人名爲都一次。其北即眉勒爾喀河。俄人名爲木尺干。源出內興安嶺北麓。曲折西北流。一百九十餘里。遂分二汊。一正西流。一西南流。皆入額

爾古訥河。舊下倫房即在河洲之中。水寬約五丈。深二尺餘。再北至俄屯阿拉公斯克對岸。有二小河自東南來注。其北即遜河水。勢甚小。再北復有小河。俄人名爲縹爾納過夫克。再北有額爾奇木河。畢拉爾河。畢拉克產河。古爾布奇河。均自東南山內來注。水勢甚小。來脈亦促。再北有吉林子河。寬五丈。深二尺。自東南山內來注。對岸即俄屯之縹登科。再北有阿木毗河。俗名安皮戶河。寬二丈。深一尺。自東南山內來注。對岸即俄屯之魚立牙。再東北即牛爾河。俗名貝子河南距牛爾河卡倫十二里。發源於內興安嶺之西北麓。曲折西北流。五百餘里。入額爾古訥河。寬八丈。深處約一丈五尺。河水清澈。與額爾古訥河匯流十餘里。猶清濁分明。再北有小河名阿巴河。阿巴河之北。復有二小河。皆自東南來注。再北即珠爾干河。新設總卡倫於此。河寬二丈。深一尺。自東南來注。對岸即俄屯五西羅甫。再北至孫元寶店。相近有四小河自東南來注。稍大者名庫魯干河。再北至溫河卡倫。有小河七。均自東南來注。逼近卡倫之北。即溫河。寬四丈。深一尺餘。發源於內興安嶺西北麓。曲折西北流。二百一十餘里。至卡倫北里許。入額爾古訥河。再西北二十里。有烏瑪



河發源於內興安嶺西北麓。曲折西南流二百餘里。入額爾古訥河。再西北有大吉嘎達河。小吉嘎達河。札克達奇河。再東北復有小河八均。自東南來注。再北至伊穆卡倫。有伊穆河。發源於內興安嶺西麓。曲折西北流二百八十餘里。經卡倫北入額爾古訥河。寬二丈。深一尺。再折東北至額爾古訥河口。復有二十餘小河。其有名者曰畢拉雅河。曰托羅爾河。曰奇雅河。曰奇乾河。奇乾河發源於內興安嶺西北麓。曲折西北流一百五十餘里。入額爾古訥河。水寬二丈。深一尺。曰墨河。曰博羅舒斯洛甫喀河。博羅舒斯洛甫喀河發源於內興安嶺西北麓。曲折西北流二百八十餘里。經額勒和哈達卡倫之北。入額爾古訥河。河寬十丈。深五尺。再北即黑龍江矣。

第三山脉 額爾古訥河右岸各山及大小形勢

額爾古訥河兩岸。上游則邱陵起伏。下游則山石崢嶸。其在我岸之山。皆以內興安嶺為正幹。東北與布特哈墨爾根愛琿各界。亦即以此山脊而分。由凱河凱河在倫城正東三百餘里發源之處。土人始以內興安嶺呼之。西與額爾古訥河源遙遙相對。興安嶺西所出諸水。皆會札敦河。以入於海拉爾河。再北起頂曰綽羅爾山。在倫城東三百五十餘里。高一百五十餘丈。長四十餘里。西分一支。行一百五十餘里。至胡裕爾和奇河發源處。再西直臨札敦河東岸。正幹仍北行六十餘里。起頂曰吉勒奇克山。在倫城東三百八十餘里。高一百一十餘丈。長一百三十餘里。西麓為海拉爾河發源處。再北行七十餘里。至哲爾古勒依河源。又名珠爾特依起頂者曰雅克嶺。在倫城東北四百七十餘里。高一百一十餘丈。長一百六十餘里。正幹仍北行一百三十餘里。峯巒突起。羣山排列者曰依克呼里山。在倫城東北八百九十餘里。高二百二十餘丈。長二百八十餘里。為興安嶺起頂最高之處。山西之水。流入額爾古訥河。正幹稍西仍北行。至舊布魯卡倫。再轉而東行一百一十餘里。至伊穆

河發源處。再北行六十餘里。至奇乾河發源處。則亂峯雜沓。森林茂密。直達於額爾古訥河口。按此數山為內興安嶺幹脉。額爾古訥河襟帶於其西。黑龍江橫貫於其南。儼擅天險之勢。其逼近額爾古訥河右岸各山。皆其餘脉也。當海拉爾河轉為額爾古訥河處。在左岸者曰阿巴該圖山。迤西曰額爾德尼托羅海山。曰蘇克特依山。一名索克台山。又名素克圖山。曰塔奔托羅海山。曰察罕敖拉山。曰塔爾巴幹達呼山。皆沿西北國界者也。在右岸者曰室韋格特山。又名室韋公特嶺。迤西相連數峰。曰達罕德勒山。迤北曰海拉圖山。曰哈拉呼蘇山。蒙古語黑石也在額爾德尼托羅輝卡倫以北者。曰額爾德尼托羅輝山。迤東曰三多奈山。曰霍克濫都爾嶺。曰巴德爾山。以上諸山。皆土山帶石。相連如波濤之起伏。無高峰峻嶺。再北當庫克多博總卡倫以東。沿根河南岸者。曰龍頭嘴山。曰慶吉勒山。曰奇雅爾班山。其高處陡起三峰。國語曰依蘭哈達。高一百一十丈。長二十餘里。迤西曰尼克圖魯山。曰溫都爾肯。蒙古語微高也沿根河北岸者。曰庫里葉爾山。又名苦列兒山迤西曰那敏山。曰那魯特台山。曰綽博克托山。附近巴圖爾和碩卡倫以東者。為新命名之小泉山。因山下有泉故高四十餘丈。長二十

餘里再北突起一峰。當巴雅斯胡郎圖溫都爾卡倫東北者。曰巴雅斯胡郎圖溫都爾山。

蒙古語去皮  
虎高山也

高八十餘丈。長十里許。再北當巴彥魯克下倫東。曰巴彥珠魯克山。巴彥蒙古  
語富也珠

魯克數  
之六也附近卡倫正北。孤山墳起者。曰等級台山。再北沿色木特勒克河北岸。石多黑紫

色者。爲新命名之鐵現山。因石含鐵  
質故名由吉拉林而下。以至於額爾古訥河口。沿岸皆懸崖

絕壁。不可躋攀。當奇乾河之北。衆山環抱。有一孤山。特出於羣峰之外者。爲新命名之永

安山。西北即永安卡倫。再北沿岸有石色如赤霞者。爲新命名之紅土崖。再北沿岸有壁

立千仞者。曰金剛峰。再北有怪石蹲踞於河岸者。曰臥虎石。當額爾古訥河口。數嶺相連。

嶺上平坦者。曰渾特山。由渾特山而東。即爲黑龍江南岸矣。

第四地質 額爾古訥河右岸平原大小及肥瘠並種植所宜

額爾古訥河右岸十餘里山嶺綿亘間有平地或在河灣或在山曲或在坡陀非陸地所可比例由塔爾巴幹達呼山至阿巴該圖山陸路共一百八十餘里沿邊均係山嶺雖間有平地沙石相雜不堪耕種者十居八九惟阿巴該圖近臨河岸土脈甚腴由阿巴該圖山渡河至額爾古訥河右岸之庫克多博總卡倫沿岸均有平地長共三百餘里寬或三十里或二十里十里五里不等逼近河岸者土雖黑壤然低下受水僅宜羊草爲極善之游牧場近山麓者則係高原厥土黃沙草短不茂不堪耕種至庫克多博以東沿根河左右岸長三百餘里寬百里或五十里膏原沃壤厥土黑墳微帶沙性水旱無虞爲極善之殖民地附近庫克多博總卡倫以東有前經俄人越墾之田三十餘垧今雖荒蕪然驗其麥根之肥壯則其地之腴厚可知再北行三十里至巴圖爾和碩卡倫沿岸有平地一區縱橫約二方里草不甚茂土質中下再由此東行二十餘里越數嶺至新命名之小泉山溝中寬約一里長百餘里土質肥美溝東南有俄人前墾之田約千餘垧再北三十里沿

岸有平地一區土質肥美長十餘里寬二里許對岸即俄屯挪維矣粗魯海圖再北五十里至巴雅斯胡郎圖溫都爾卡倫沿岸有平地一區中有沙石草不甚茂再距此十餘里東南山溝內有新命名之黃花嶺土質肥美花草暢茂面積約百餘里此嶺與小泉山溝相連約距二十餘里再北至胡裕爾和奇卡倫沿岸地勢平坦土質肥美草甚豐茂長十餘里寬三里許再北至巴彥魯克卡倫沿岸皆漫岡岡上之地平坦肥美惟近卡之地土不甚厚中有沙石再北至西伯力布拉克廢卡倫近卡之地土薄草枯不堪耕種再北至珠爾特依卡倫沿岸皆漫岡土厚色黑草亦豐茂近卡之地寬闊平坦長十五里寬五里皆膏腴土地再北至新命名曲水泡沿岸皆漫岡土質肥美從前半爲俄人所竊墾今已荒蕪周圍原立木柵以阻牛馬蹂躪者尙在近泡之地則皆下隰土厚草茂長四里寬一里再北至鐵現山山內之地土厚草茂縱橫約百餘里再北至吉拉林河口沿岸之地平坦肥美長十里寬二里再東南距河口三十里至吉拉林溝中土地肥美長四十餘里寬二十餘里前多俄人竊墾今已荒蕪周圍木柵尙在再北至新命名平泉子沿岸土地肥


美。縱橫約四百里。中有俄人從前墾墾之田。再北行八里。沿岸有平地一區。內有小房三處。爲前俄人越界墾種時所築。對岸即俄屯之盧溝。再北至莫里勒克卡倫。沿岸之地。平坦肥美。長六里。寬二里。迤東山坡內。復多沃壤。從前半爲俄人所墾。再北行二十里。沿岸有平地一區。土質肥美。縱橫約六方里。對岸即俄屯阿拉公斯克。再北行二十四里。沿岸有平地一區。縱橫約六方里。土質肥美。聞此處向有卡房一間。今但有房基可考。並無名稱。房南有小水溝。長十里。俄人名繞爾納過夫克。中產羊草甚茂。地極肥美。對岸即俄屯西連音。再北行四十里。至畢拉爾河卡倫。沿岸有平地一小區。縱橫約一方里。土質肥美。再北行四十里。至吉林子河口。迤東土嶺上。平坦肥美。可以耕種。縱橫約八方里。再北行二十里。至阿木毗河口。沿岸有平地一區。土質肥美。縱橫約六方里。迤東土岡上。地亦平坦肥美。寬四里。長十餘里。中有俄人從前已墾之田二區。再北二十四里。沿岸有平地一區。土厚草茂。縱橫約二方里。聞此向有廢卡倫房。今已無存。舊圖所謂廢卡倫房。疑即在此。對岸即俄屯之瑪林巴西羅甫。再北牛爾河口。左右有平地兩區。縱橫約四方里。內

有俄人從前墾種之田。周圍木柵尙在。詢聞此河上游。平甸頗多。且皆肥美。再北八里。即新命名河甸子。土厚草茂。縱橫約二方里。再北十里。沿岸有平地一區。長二里。寬五十丈。再北十五里。沿岸有平地一區。松樺成林。縱橫五方里。再北二十三里。至珠爾干河總卡倫。沿岸平坦肥美。長約十里。寬二里。土厚草茂。墾種牧畜。均無不宜。再北六里。沿岸有坡地一區。縱橫約二方里。土質肥美。內有俄人從前已墾之田數十垧。再北四十里。至孫元寶店。沿岸有平地一區。縱橫約四方里。再北十八里。至新命名之松甸。長約二里。寬半里。土地肥美。松林茂密。再北四里。沿岸山溝內。有平地一區。土厚草茂。長約三十餘里。寬一里。再北行四里。至新命名之孤松河。沿河口南。有土岡。平坦肥美。長約三十餘里。再北六里。沿岸有平地一區。縱橫六方里。再北行四里。至溫河卡倫。沿溫河左右岸之地。皆可墾種。但不甚寬闊。再北行八里。沿岸有平地一小區。縱橫約一方里。再北行十里。至烏瑪河口。北岸有平地一區。長約十數里。寬一二里不等。羊草甚茂。再北六十里。沿岸有平地一小區。縱橫約半方里。再北十八里。至新命名之長甸。寬三里。長五里。土厚草茂。近甸土岡

亦平坦肥美。再北行四十二里。至伊穆河卡倫。沿岸之地平坦肥美。長十里。寬五里。再北十五里。沿岸有平地一小區。縱橫約半方里。再北三十里。至新命名之樺甸。此甸樺樹最多。雜以松樹。茂密可蔽天日。縱橫約四方里。再北行十里。沿岸有平地一區。縱橫約三方里。再北八里。沿岸有坡地一區。延長約五里。再北行九里。沿岸有平地一區。土厚草茂。縱橫約四方里。再北行三十里。至穆赤堪河。土人名爲奇各雅沿岸有平地一區。土厚草茂。縱橫約四方里。再北十餘里。至奇雅克河口。沿岸有坡地一區。縱橫約二方里。再北二十餘里。沿岸有平地一區。松林茂密。縱橫約一方里。再北十餘里。沿岸有坡地一小區。縱橫約半方里。再北八里。至新命名之上方甸。寬二里。長四里。土地肥美。草木茂盛。再北十二里。至新命名之下方甸。長五里。寬二里。平坦肥美。草木茂盛。再北六里。沿岸至新命名之下方甸。土質肥美。縱橫約四方里。再北六里。至新命名之永安卡倫。近卡之地。平坦肥美。寬五里。長六里。羊草甚茂。再北十五里。沿岸有平地一區。縱橫約一方里。再北行六里。沿岸有平地一區。寬半里。長二里。再北十四里。沿岸有平地一區。寬半里。長一里。內有木塋房一間。無

人居住。因命名曰一間房。再北行十里。沿岸有平地一區。縱橫約三方里。再北十四里。沿岸有平地一區。長二里。寬半里。再北行五里。即至額爾古訥河口。之額勒和哈達卡倫。近卡之地。平坦肥美。寬五里。長十里。內有俄人從前墾種之田。今已荒蕪。僅有華人菜園數畝。考額爾古訥河右岸。自根河以下。雖平地無多。然有則皆可墾種。且沿岸山中。復多可墾之地。因山嶺崎嶇。松樺叢雜。爲時過促。未能徧履查勘。至種植所宜。蒙人向不知稼穡。種類無從考驗。第查俄人越墾之田。則以麥爲大宗。鈴鐺麥最居多數。緣鈴鐺麥收穫最易且豐。專以飼養牲畜。銷售甚廣。陸路可運至聶爾沁斯克。札窩答。及滿洲里。海拉爾等處。水路則由額爾古訥河。黑龍江。可運至黑河。愛琿等處。其次則小麥。蕎麥。其他穀類。尙無種者。蓋天寒難收故也。俄人所種之田。並無隴畔。惟於初夏時。以犁翻土。即將麥種散播於田中。不用肥料。亦不耘耔。直待秋成時收穫。則沿邊土地之肥美。與彼族農學之無進步。均可概見。沿邊雖云天寒。然如百二十日可熟之穀。則尙相宜。粟。黍。稷。三種。試種之。或可收成。菜蔬則有白菜。大頭白菜。葱蒜。韭。黃瓜。馬鈴薯。芹菜。菜雲豆等。凡此皆沿邊居

民並俄屯今所種植者也。



二十一

第五氣候 額爾古訥河右岸寒暖度數

額爾古訥河口在京師偏東五度有奇北緯五十三度三十分有奇南距熱帶四十度有奇北距寒帶僅十七度有奇加以興安嶺橫亘南北深山幽谷不啻雪窖冰天寒度較京師實增數倍至三月間猶冰雪堅凝且多烈風居此者仍著皮衣四月草始萌芽間復降雪去年四月初旬忽降大雪厚至三四尺各蒙旗牲畜多爲凍斃五月間始如京師暮春天氣至六月則驟然溽暑當午炎熱與京師無異蚊蠅蚋人畜苦之惟朝暮則涼如深秋一日之間氣候不齊故邊地居民雖三伏亦備綿衣山陰之地掘至五尺餘即凍陰嶺冰雪有經年不化者七月則涼風襲人漸見早霜八月則草木黃落甚至降雪九月即見大雪水結薄冰十月河水已堅暢行無阻自是以往雖晴日往往霏雪窗冰凝結終日不消室內須置洋式大火爐滿燃木柴方可禦寒出則寒風割面鬚眉皆冰行路者身衣重裘且有皮帽手套皮襪等物仍難恃以無恐去年二月有朱某者隨設治委員前往吉拉林途次受凍將脚指爛斷聞去冬卡兵復有將足凍損者墮指裂膚之苦古人言之今日

見之矣夏至晝極長日出寅初三刻十三分五十四秒日入戌正初刻一分六秒晝長六十四刻二分十二秒夜長三十一刻十二分四十八秒冬至夜極短日出辰正初刻一分六秒日入申初三刻十三分五十四秒晝長三十一刻十二分四十八秒夜長六十四刻二分十二秒昔人有云漠北之野夏至前後日入黃羊胛未熟即天曙唐書載薛延陀地夜不甚暗猶可博奕今六月間調查沿邊之時雖子夜無燈尙能辨字足證前言非妄但初曉時則滿河烟霧相距丈餘即不能覩物日出後始烟消霧散天晴則然天陰則否謹按沿邊氣候雖寒然自四月至七月則草木暢茂發育甚速俄人耕種二麥皆可收穫於農事固無妨也



第六物產 額爾古訥河右岸山中鳥獸及皮革

額爾古訥河右岸山谿深濶，豐草長林，綿亘千里。其物產之裕，鳥則有鴈、鵞、鷓鴣、土鶴、水

鴨。水鴨產額爾古訥河，食魚千百為飛龍。色似雌雞，而極小，每隻可半斤，重兩翼下及腹毛，有大白點，兩股有毛

雞，其味美，可食。俄人常用槍擊取之。龍字。其形與飛龍略等，鳥雞。其形與家雞等，全身黑色，故名可食。樹雞。較飛龍大，似雌雞，略小，因常棲止樹上，故名。味美，可食。翠

雀、山鴿、山雀等，其他鳥類尚多，因不常見，無從詳查。獸則有虎、熊、豹、狼、獾、堪達爾獾、爾獾、

以鹿而大角。馬鹿。其甚大，鄂倫春獵得，售與俄人，轉售華商，價甚昂。獐、狍、野豬、黃羊。黃羊產於額爾古訥河上游草地內，紫貂產於鄂倫春山中，狐狸、分草

種。二。獾、豺、灰鼠。產於各山林中。水獺。產於牛。旱獺。產於土嶺草地內，穿穴而居，春暖草生始出穴覓食，至秋末則閉穴深藏，蟄蟲類也。白兔。毛潔白，細長而豐，厚惟革太薄，脆不

適於用，土人呼為天馬，非也。等。其皮革則以邊地天寒，絨毛豐厚，貂皮毛紫黑色，多白絨，較之赫哲所產者尤佳，惟價值甚昂，每張值俄盧一百五十元至二百元，每年皆由俄商收買，華商向無

販運者。捕貂之人，亦惟鄂倫春一種，所得之貂，售與俄屯烏溪羅普者，每年約三四百張，賣與博格羅夫者，每年約三百餘張，狍狸皮毛亦佳，惟色稍遜，每張值俄盧十五元至二十元，灰鼠毛黑紫色，勝於他處所產者，京都所稱索倫灰者，即此，每張值俄盧三百文，至

四百文，狼皮每張值俄盧二元至三元，旱獺出數最夥，俄人多用以製皮帽、皮斗篷等件，每張值俄盧一二百文，其他皮革價值，並每年所得若干，無從查考。獸類復有山中鄂倫春所使者，彼名曰沃利恩，即鄂倫春之轉音，俗名四不像子，角有數歧，似鹿，蹄分兩瓣，似牛，身長色灰似驢，其頭則似鹿，非鹿，似牛，非牛，寬額而長喙，毛甚豐，能負重百餘觔，鄂倫春人訓畜之用，時以木擊樹，聞聲即來，飼以苔，用畢則縱之使去，即游行山中，附此以備博物家參

考云。

物產二 額爾古訥河及右岸支河產魚種類並如何捕取

額爾古訥河魚類甚多。右岸之根河牛爾河博洛舒斯洛甫喀河魚類尤夥。其著名者則有浙魯即鱒魚。連子魚。細鱗魚。白魚。鯉魚。黃魚。黃魚 額爾古訥河大者種四五十斤鮎魚。拉鮎。拉鮎身長似蝦二甲六足似蟹蒙人尙不知捕取。加以沿邊地廣人稀。銷售甚難。漁業遂無人講求。惟右岸俄屯。或垂釣。或設梁。梁中置柳條筐。魚從此經過。即陷於柳筐之中。額爾古訥河左右岸。並博洛舒斯洛甫喀河均有之。或於河岸水淺之處。插立木柱。橫繫柳條筐。筐口甚小。中置魚餌。羣魚見餌即貫行入吞。人乘其不備。驟將柳條筐取出。亦間有以網捕取者。捕黃魚則用七八寸長之鐵鉤。乃能得之。

物產三 額爾古訥河右岸各項礦產及已採未採

額爾古訥河右岸各山皆發脈於興安嶺連峯疊嶂蘊蓄深厚礦產極爲豐富其已開及探有苗脈者如札賚諾爾煤礦係租暹中東鐵路公司開採共煤洞十四編列十四號有明洞暗洞之分內有七號及十號十一號尙未開挖其餘有已作畢者有正在開作者於光緒二十九年工人不戒於火將煤燒然連及第五號煤洞至今火尙未熄現在第九號及第十二號十三號十四號正在開挖作工者共二百餘名中俄參用晝夜分爲三班每人工價羌錢六角明洞出煤用人工暗洞出煤用機器有中國煤稅局一處每煤千觔收銀一錢二分計自光緒三十四年正月起至十二月底止共出煤二萬萬餘觔收銀二萬餘兩察罕敖拉煤礦在察罕敖拉卡倫東數里因去年九月間見旱獭由地內穿穴所出土中有煤質卡弁王凱勝遂命卡兵探探深至丈餘仍係碎煤至三丈餘煤塊有如拳大者然未至正礪煤質尙鬆嗣因水勢上湧遂至停工擬今春仍復開辦云新命名鐵現山之鐵礦因此山之石均係黑紫色較他山之石甚重且山內有俄人舊燒之石灰窰其中

有將石燂流化成鐵質者其爲鐵礦無疑但惜無人開採耳吉拉林金礦庚子變後係經俄人竊採經前巡撫程公始將金廠收回由商人龔泰山承辦嗣因資本告匱遂致廢輟光緒三十四年派同知用補用知縣卞調元前往試辦設治兼辦金礦遂暹官辦此廠在設治局西名小西溝距局八里作工者約百五十人均先挖硿精如井形蓋工人諱言橫五尺縱一丈深不等以見金砂爲度金砂厚薄亦不等有半尺厚者有二三尺厚者亦有挖至極深不見金砂者見砂之際即將砂取出或上木簾或用水溜將砂石淘汰淨盡其金即沉於底大者如豆粒小者則目力僅能見之而已每人每月交官金俄權一瓜力克每瓜力克即華秤一錢一分八釐除官金外每人每日勻算之其金尙可值俄盧三四元或一二元但其金亦必須官中收買不准私行外賣聞吉拉林山內產金之處尙多惜資本太少未能徧探吉林子河金礦在吉林子河上游名栗班光緒二十四年前有華人在此私淘嗣後復有俄人接探此金廠係在山溝之中寬一里長約十數里已作之礪眼甚多砂堆層疊觀其形迹似近復有人淘汰者中有破木塋房二間其金苗之旺否則無從查考阿木毗河

金礦俗名安皮戶。爲昔時已作之官金廠。溝長八十餘里。寬里許。中有木槎房四處。常有華人在此私作金者。人少力薄。皆淘汰。昔時已作之殘砂。詢聞每人日得之金。僅值俄盧二三百文。烏瑪河金礦。在烏瑪河上游。有昔時已作之官金廠。目今已廢。吉格大河上游。有昔時已作之官金廠。今已廢棄。奇乾河金礦。長四十餘里。寬約三里。遼漠河金廠管理。從前甚爲著名。聞此金廠。昔時產金甚旺。每人每日所得之金。有至十數兩之多者。刻已挖殘。遼商人江姓者。包辦作工者。共七十餘人。皆淘汰。昔時已作之殘砂。並無挖碯者。除交官金之外。每人每日尙可得俄盧一元餘。可見昔日產金之旺。雖屢淘汰。亦不能淨盡也。沿邊一帶。鑛產甚饒。其已經發現者。惟煤金二鑛。而金鑛之未經發現者。尙不知凡幾。私作者。皆貧苦流民。固無力廣爲探探。商辦者。亦資本過微。每致半途而廢。官辦則從事鋪張。金鑛未開而已多賠累。否則籌款維艱。任事者恐後難銷算。不敢放手作去。此沿邊一帶之鑛產。所以永未振興也。查沿邊俄界金廠。其開辦之初。皆先用鑛師採苗。測其地面之土厚若干。金砂厚若干。金綫寬長若干。金砂重若干。可出金若干。用工料若干。一一

預算決算。然後開辦。雖費大資本。亦所不惜。若不稱大作。則租與商人包辦。故賠累者少。其作法。係將產金之處。用運土機器。吸水機器。將地面土石。全行剷去。其中但餘金砂。然後將金砂取出。上大溜淘汰之。金即沉於溜底。故其出金之時。每日有至數百兩之多者。較中國之挖碯。實爲勝之。我國鑛學尙未發明。一時無鑛師可聘。然久在金廠作工者。觀山形水勢。其產金與否。亦能知其梗概。爲今之計。似宜招徠此等人。令其入山覓探。官給衣食。彼出勞力。派一精明篤實之專員。以督飭之。俟其探有金苗。驗其稱作與否。或官辦。或商辦。或但用人工。或兼用機器。用資本若干。得餘利若干。均可酌量財力而爲之。惟採苗之人。必須予以特別利益。然後可以示鼓舞而勵將來。抑或限於財力。官不督探。亦應明定採金章程。通示沿邊之人。如有能自備食糧覓探者。准其領票入山徧探。探有金苗。報官開辦。照章納稅。予以專利期限。至期限已滿。如何接辦之處。再臨時酌定。總期有礦必開。地無棄利。即可藉以招民實塞。復可資以擴充餉源。於邊務實不無裨益也。

物產四 額爾古訥河右岸樹木果品及羊草

額爾古訥河右岸山川盤亘草木豐蔚木則由巴雅斯胡郎圖溫都爾山中即有樺樹至吉拉林以下則松樺交加至額勒合哈達以上則松多樺少樺分黑白二種其白者皮可製油且可作筐篋等器松則有意氣松黃松土人呼為樟子松等類意氣松其細葉似柏冬則彫落故亦名落葉松黃松則其葉如鍼其實可食冬夏不彫登高一望黛色參天森林之富誠邊境一大利源果則皆係天然木本有刺梅山杏杜李都實牙格大草本有高麗果脫盤等類味美者惟高麗果脫盤其牙格大都實二種亦稍可食枝幹均不高牙格大貼地生葉長圓而厚經冬翠色不彫都實叢生葉長圓高麗果生草間甚低覓採不易斜角寬葉脫盤紫幹斜角寬葉牙格大其實較櫻桃稍小而色赤其味酸而甘都實之實比牙格大稍大其色黑紫類山葡萄其味酸而甘俄人以此二者釀酒高麗果其實如桑葚而色紅其味甘芳脫盤色紅顆粒攢簇成果熟則脫蒂而落故名脫盤味甚甘美俄人用糖或蜜錢收藏視為上品草則以羊草為大宗皆產於沿邊河岸河洲山溝之內由阿巴該圖

至吉拉林所產尤饒為俄屯牧養牲畜者所仰給惟每年所產之數無從詳查

謹按沿邊樹木羊草為俄民所仰給歷年伐割牧畜難以數計自光緒三十四年定章收稅不准越界私取以開辦之初尚多疎漏已收俄盧一萬四五十元將來稽查日密亦邊境一大進款也

第七部落 界內山中鄂倫春及收籠方法

鄂倫春實亦索倫之別部。其族皆散處內興安嶺山中。以捕獵為業。元時稱為林木中百姓。國初謂為樹中人。又謂為使鹿部。

太祖高皇帝用兵黑龍江。招服諾囉路。諾囉即鄂倫之轉音

太宗之世。命阿賴達爾漢率外藩蒙古諸貝勒。往追茂明安部下逃人。至使鹿部喀木尼堪地方。招集葉雷舍爾特庫巴古奈土古等。及其從役家人來獻。又柳邊紀略云。使鹿部大約在使犬部之外。崇德元年五月。阿賴達爾漢追茂明安部下逃人。至使鹿部喀木尼堪地方。獲男女二十九來獻。至今未通朝貢。無由見其國人。但聞其使鹿如使牛馬而已。又異域錄云。伊聶柏興。俄人呼城曰柏興之俄羅斯呼索倫為喀木尼堪。又呼為通古斯。俱畜鹿以供乘馱。馱載其鹿灰白色。形似驢騾。有角。名曰鄂倫。今按鄂倫春所使之獸。彼族名曰沃利恩。即鄂倫春之轉音。俗名曰四不像子。即此也。形質詳物產章內所謂喀木尼堪。亦沃利恩之別名。此可見鄂倫春命名。即以使鹿之故。又朔方備乘云。鄂倫春者。索倫達呼爾類也。黑龍江

以北精奇里江以南。皆其射獵之地。其衆夾精奇里江以居。似與索倫為近。其隸布特哈八旗為官兵者。謂之摩凌阿鄂倫春。其散處山野。以納貂為役者。謂之雅發罕鄂倫春。按摩

凌阿雅發罕滿洲語。雅言馬上步下也。

雅發罕鄂倫春。有布特哈官五員。三歲一易號。曰諳達。歲以徵貂至

其境。其人先期畢至。奉命維護。過此則深居不可蹤跡矣。蓋開國之初。彼輩已相率內屬。後因羅刹擾邊。屢被侵掠。亦有逃歸羅刹者。康熙二十三年。將軍薩布素公奏稱。夸爾大鄂倫春等。抵羅刹地方。遣官番造其居。開諭之。取其鳥槍二十具。並鄂倫春留質之子三人。至康熙二十八年。平定羅刹。立碑定界。鄂倫春乃得帖然無事。與木石居。與鹿豕遊。永為中國沿邊深山之野人。然其所居之地。與俄為鄰。終不免與俄互市。黑龍江外紀云。俄人之鳥槍。常於莫里勒克處。售之鄂倫春。又云。俄商舊與鄂倫春互市。地名齊凌。轉為麒麟。因有麒麟營子之號。後將軍傅玉。搜獲逋逃無算。乃禁互市。又魏源云。有不編佐領之使鹿部。名曰奇勒兒。乃知齊凌麒麟。均為奇勒之轉音。今查奇勒口。在額爾古訥河口東南。距河口約十里。沿黑龍江南岸。為鄂倫春與俄人來往交易之區。此口係一山溝。寬不

及半里中有華商新修之木塚房一間。復查鄂倫春係內興安嶺土著之民。趨悍過人。排鎗每發輒中。俄人亦頗畏之。耐寒畏熱。時以出痘爲患。初歸布特哈總管派員鈐轄。號稱諳達。同治初年。吉林省屬馬賊猖獗。將軍富明阿公奏調鄂倫春人五百前往一戰而定。同治十年。將軍特普欽公奏於內興安嶺內外分爲五路。以備調用。光緒元年。將軍豐紳公奏調鎗隊五百人。每歲三月間。調集內興安嶺旺山一帶操演四十日。犒賞銀兩布匹。遣歸。六年。將軍定安公奏增挑鎗隊五百人。合計千人。每歲由將軍特派協領一員。會同布特哈總管。屆期查操。八年。將軍文緒公奏設興安城副總管一員。建城於嶺內之太平灣。有武帝廟。有軍器庫。有公備倉。其奏設興安城總管略曰。查鄂倫春一帶。牲丁久居山內。二百年來。未濡教化。幾同野人。向歸布特哈總管轄治。所捕貂皮。輒爲諳達諸人以微物易去。肆意欺凌。不啻奴畜。在當時山深地闊。尙不爲苦。近因江左盡歸俄界。僅有江右山場。捕獵愈稀。實屬不敷餬口。且有逃歸俄境。以資生者。前任將軍挑練千名。犒賞布銀。專歸諳達教管。略寓收撫之意。而明歸諳達教管。則權勢益重。而受制益苦。浸成仇敵之

勢。誠恐激生事端。滋起邊釁。籌計久遠。非編旗設官。列城置戍。不可。該牲丁鎗法極準。人亦勇鷲。性與索倫相近。同爲國家赤子。本無貴賤之分。及時收輯。足期強兵固邊之效。曾飭派查操協領。會同布特哈總管入山。宣布

皇恩。該牲丁感激流涕。願即歸伍當差。以免諳達欺凌。擬請就原挑千名。分設佐領管轄。月給餉銀一兩。歲貢貂皮一張。設總管銜副總管一員。總理其事。以下各官。均照布特哈城章程辦理。云云。然彼等心性顛愚。一飽無求。言語亦不易通。例操之外。往往伏而不出。建城以後。歲餉積存。幾無人領。太平灣雖爲五路適中之地。而城署均處窪下。工費萬金。歲未踰紀。已坍塌不可居。總管遂寓於喀爾塔爾奚站。有美意無良法。不能不爲始事者惜。至光緒二十年。黑龍江將軍奏收籠鄂倫春。將原設興安嶺城衙門。概行裁撤。所有鄂倫春分歸黑龍江。墨爾根布特哈呼倫貝爾四城管理。黑龍江上下游分二路。墨爾根布特哈呼倫貝爾各爲一路。每路專設協領一員。以資收籠。其歸倫城管理者。即托河一路兩佐。均予限三年。何城先行收籠足額。早得實效。即由該城副都統專摺奏請獎敘。帶領引

見請

旨錄用於三年成效後將鄂倫春人帶出山場就近由副都統齊集教練務期熟諳風化俾可濟緊急之需此鄂倫春歸倫城管轄之始也無如地廣山深尋查不易相沿既久視爲具文鄂倫春既不知管理者爲何人管理者亦不問鄂倫春盡居何地復何有於收籠而額爾古訥河右岸山中之鄂倫春僻處荒邊聲息阻隔尤漫無統屬日用所需及獵得皮張均須向俄境購取銷售往來既稔遂受俄人籠絡潛入俄籍光緒三十四年夏派員調查沿邊並令入山調查鄂倫春究竟使鹿使馬戶口若干有無入俄籍者以資收籠聞珠爾干河總卜對岸俄屯烏溪羅甫其商人常與鄂倫春貿易擬由此處入山詢之俄商云彼等居處無常當此大雨時行時在七月中道途泥濘草木叢雜人馬均不能行彼等與俄商貿易有一定之地一定之期去此華里五百餘里有山名頗可軸爾復三百里有木梁房一間爲交易之定地俄歷十月二十前後即華十月初十前後爲交易之定期過此以往則蹤跡難尋矣又云彼等已半入俄籍歸伊格那紳俄屯長所管其頭目居額爾古訥河

下游之奇勒口內其人俄籍因從前彼等牲畜均行倒斃山獸亦少貧乏不能自存遂出山至沿邊俄屯傭工因粗知俄國語言文字遂由此變服制而入俄籍後又詢之俄屯屯長並沿邊華人所云皆同時以相離太遠未便冒進旋至額爾古訥河口用俄人引路溯博洛舒斯洛甫喀河往尋鄂倫春蹤跡入山東南行百餘里於層巒疊障中遇三人貿貿然來貌似蒙古而衣俄服一老兩少問俄人知爲鄂倫春見面似有退避之意俄人呼之始至遂相對與俄人語亦不解所言之爲何後據俄人云彼等所居之地即在目前山內導行數里至其地所居皆以雜毛毡或樹皮爲之形與蒙古包等入其室婦孺衣服亦與俄人同席地坐談問其頭目所在並名字答云無定所頭目有二一俄國人一鄂倫春人鄂倫春人名過爾答過夫聞前數日往俄境矣又問其於何年入俄籍戶口若干皆答不知又問其在此係長居逐暫居答不日即遷蓋彼等隨山逐獸原無一定住所又問每年所得皮張若干則云多寡無定查此地共鄂倫春三家彼二家家長一名沃西力沃司克一名各拉西木男女共十五人因將所携之鳳梨洋酒等分賞彼三家諭以賞賜之意且



勸以仍歸中國。觀其意似解不解。直若犬馬之不與人同類者。而其名字則皆取俄國語言。頭目又無從尋覓。遂復由故道返回。至俄屯博格羅夫。有素與鄂倫春交易之俄商云。鄂倫春之入俄籍者。分二沃洛特。即華言兩旗一為根得及力司克矣。沃洛特其頭目名飄得爾格。為力勒為池。幫辦名國爾大。國羅夫。一為娑羅國恩。挪司刻矣。沃洛特其頭目名飄得爾泥。克拉牙為池。幫辦名司及班牙克為池。二旗共百七十餘戶。雖歸俄籍。亦僅割髮變服制而已。至俄民所有之權利義務。彼等均無關係。每人年給俄屯俄盧三元。此錢亦非國課。蓋因彼等養生送死。均必至俄屯教寺。請教士誦經。故給此錢耳。每年均於俄歷六月初一日。其頭目來交此錢。並率鄂倫春買賣貨物云。該商所稱鄂倫春頭目之名。與入山所調查者不同。未知孰是。

謹按鄂倫春人。係我屬部。且居我境。以屬地屬人之義言之。均不准私入外籍。今以無人管轄之故。受外人籠絡。私入俄籍。久恐為患邊疆。急應設法收籠。其收籠之法。查明戶口。擇其頭目。給以官塔。使之有所統屬。勸令仍歸華籍。按年春季。派員進山。

稽查賞賚宣布

朝廷威德。如有甘心向外。不肯再隸華籍者。即以俄人論。查明驅逐。不准仍居華界。以杜後患。

第八卡倫 邊界卡倫之沿革及現今分設數目地名並相距遠近

沿邊卡倫始於雍正五年郡王策凌伯四格侍郎圖理琛等會同俄羅斯使臣薩瓦勘定疆界並設卡倫五十九處屬於呼倫貝爾者十有二曰察罕敖拉亦名察罕烏魯曰蘇克特依曰阿巴該圖曰孟克西里曰額爾得尼托羅輝曰庫克多博曰巴圖爾和碩曰巴雅斯胡郎圖溫都爾曰胡裕爾和奇曰巴彥魯克曰西伯勒布拉克曰珠爾特依輪派倫城蒙古官兵戍守每卡駐防官一員兵各三十名兩卡之間均立鄂博卡倫官兵每日巡查二月一更遇有俄人越境及偷盜牲畜者歸總卡官通報辦理乾隆二十五年重行整頓復派總管一員佐領二員每月巡查一次每卡設蒙古包四個共四十八個每年需用補修銀九十六兩由本處稅項開銷此十二卡倫皆沿國界而設名之曰外卡倫雍正十一年因外卡防守多疎時有俄人越境復於外卡以內設十五卡倫以資聯絡曰庫里多爾朔方備乘作庫勒都爾當即距庫克多博二十里之特勒布爾河曰特勒墨勒津朔方備乘作特勒墨勒津一作特勒墨勒音曰特尼克朔方備乘作特尼河曰崇古林朔方備乘作崇古林谷口一作冲固嶺山溝曰依拉該圖朔方備乘作阿爾噶圖河口一作河爾垓圖山溝

爾格河即倫北六十里之莫勒各爾河 曰沙拉鄂蘇朔方備乘作喀喇鄂索谷口一作錫蘭鄂索河 曰薩勒奇圖朔方備乘作薩勒奇圖一作薩爾奇 曰翁昆朔方備乘作翁昆開拉里河即倫境之海拉爾河 曰溫都爾額勒蘇朔方備乘作溫都爾額勒蘇 曰烏蘭剛阿朔方備乘作烏蘭剛阿一作烏蘭網安 曰布拉克圖朔方備乘作布拉克圖舍哩 曰莫貴圖朔方備乘作莫貴圖一作摩該圖 曰托洛郭圖朔方備乘作托洛輝圖一作托洛會圖 曰烏爾圖布拉克朔方備乘作鄂勒圖舍哩一作俄爾托布喇克 均與各外卡倫相距一二百里不等名曰內卡倫咸豐七年因與外卡相距太遠恐稽查難周奏明向國界就近遷移與外卡倫相距各三四十里不等以便互巡內裁去三卡改作三台共存十二卡倫另立新名曰西伯爾昂阿曰邁罕圖曰查勒奇昂阿曰色格勒吉舍哩曰郭爾畢舍哩曰阿魯呼都克曰西里呼都克曰布木伯諾爾曰固勒特格曰昂爾山布拉克曰烏噶拉吉布拉克曰達西瑪克布拉克每卡駐守官一員兵二十名兩月一換每月派佐領一員往巡一次嗣因奉行日久內卡倫漸皆廢弛舊址均無從查考光緒十年因防俄人越界挖金由黑龍江城於倫境珠爾特依卡倫北沿額爾古訥河岸增設卡倫五座曰莫里勒克曰牛爾河曰溫河曰伊穆河曰額勒和哈達歸黑龍江城副都統管轄派官兵駐守

國界之在倫境者。前後共設外卡倫十七座。至庚子之亂。卡倫皆被俄人焚毀。官兵盡行逃散。沿邊之主權利權。一任俄人攘竊。而無能過問。至光緒三十三年。經前任蘇副都統始議。規復舊制。重設卡倫十一座。從查罕敖拉起。至珠爾特依止。而珠爾特依迤北之卡倫。仍復闕如。每卡駐守官一員。每月支餉銀三兩。領催一名。兵八名。每名月支餉銀二兩。由倫城戶司所存草稅項下開支。官兵亦均由蒙人派充。兵單餉薄。不惟不能守邊。反藉以盜賣木植羊草。甚且有受外人一嚮之飽。而為守牧牛羊者。蠢此愚蒙。罔識國體。夫亦何怪其然。光緒三十四年冬。宋副都統權鎮斯土。見邊防之廢弛。實由於蒙人之愚弱。到任伊始。即咨商省署。經營邊務。詳定章程。將卡倫蒙人一律撤換。改招農民充當卡兵。仿古人屯田之意。為經久之謀。由塔爾巴幹達呼山起。至額爾古訥河口。共設卡倫二十一座。沿舊名者十有五。曰查罕敖拉。曰阿巴該圖。曰孟克西里。曰額爾得尼托羅輝。曰庫克多博。設為總卡倫曰巴圖爾和碩。曰巴雅斯胡郎圖溫都爾。曰胡裕爾和奇。曰巴彥魯克。曰珠爾特依。曰莫里勒克。曰牛爾河。曰溫河。曰伊穆河。曰額勒和哈達。新設者六。曰塔爾巴幹

達呼山。曰畢拉爾河。曰珠爾干河。設為總卡倫曰長甸。曰奇雅河。曰永安山。舊卡倫報廢者二。曰蘇克特依。曰西伯力布拉克。於三十四年夏。相繼分設。現未設者。僅塔爾巴幹達呼山。長甸。奇雅河。三處。於倫城設邊墾總局。以提綱絜領。又設滿洲里邊墾局。吉林林設治委員。以分任稽查。開辦數月。從前俄人之任便越界。取携自如者。皆為歛迹。即有所需。如伐木刈草等事。亦皆請命於我。遵章納稅。主權利權。已稍收回。從此一意經營。不難漸臻充實。至卡倫所在。並相距遠近。均詳圖表。詳細規則。備載卡倫章程。

第九治所 界內設治處所及商場

倫境沿邊荒涼空曠。向未設治。今既經營邊務。與辦屯墾。不能不擇要設治。爲經久之計。以地勢論之。第一爲滿洲里。滿洲里地當邊要。爲東清鐵路入境首站。且已開作商埠。俄蒙往來。又以該處爲衝途。時有交涉。現已奏設臚濱府。次則吉拉林。吉拉林爲沿邊適中之地。原有金礦。聚集流民。時起爭端。且地土膏腴。從前俄民時有越墾。亟應招徠墾戶。逐漸實邊。現已奏派試辦設治委員。定名爲室韋廳。然吉拉林地勢較小。不過就金廠爲暫時根據。將來室韋廳仍應於根河北岸擇地移設。方爲得勢。次則珠爾干河。距吉拉林過遠。道路亦多阻隔。現設總卡官。經營邊墾。俟將來人民漸多。再行設治。次則額爾古訥河口。爲倫邊之終點。距珠爾干河尙五百餘里。且與黑龍江會流。地勢最爲險要。日後亦當設治。其可設商場者。除臚濱府已開作商埠。此外如庫克多博。爲蒙俄華人來往通衢。現已招有商人十餘戶。逐加提倡。可以漸臻繁盛。吉拉林內有金廠。且與各俄屯密邇相接。現已有商人十餘戶。將來墾礦振興。商業亦不難起色。一珠爾干河並額爾古訥河口。爲

鄂倫春人等出入之區。皮張最爲大宗。向歸俄商收買。以皮易貨。不論價值。一任俄商愚弄。俄商將皮張運至俄京。或運至外洋各埠。得利數倍。由此致富者甚多。我苟設法將鄂倫春收籠。即於此二處立市招商。以便交易。既免爲俄所羈縻。利權亦不至外溢也。

第十交通 界內道路之遠近夷險衝要並應如何開通之處

經營地方首重交通。交通不便則發達難期。陸路尤爲交通之首務。倫境沿邊一千五百餘里。其有道可行者。則由塔爾巴幹達呼山至吉拉林。共七百餘里。無高山大嶺。其中雖間有險阻之處。然稍加脩補即可成爲周道。其未經開通者。則自吉拉林至珠爾干河。三百五十餘里。山嶺已多。僅有荒僻小路。可容人行。向無車馬蹤跡。由珠爾干河至額爾古納河口。五百五十餘里。則連峯疊嶂。深林密箐。山石崢嶸。壁立河上。求一綫崎嶇。亦不可得。行旅往來。非假道於俄。不能飛渡。致受俄人多方挾制。而莫可如何。於此而欲謀交通。非將我岸道路開通不可。然山多樹密。工程浩大。鉅款恐未易籌。爲今之計。應先派員詳細查明。易脩者若干處。難脩者若干處。將附近各卡易脩之處。責成各卡倫卡兵隨時脩治。其難脩之處。另僱人夫開脩。邊境人民尙少。不必驟開大道。但脩一人馬能行之路。有河之處。查看水勢大小。或修木橋。或造渡舟。可資駝運。可通郵遞。便可暫濟目前。俟邊民漸多。籌款較易。再官民合力。開修行車大路。以目今吉拉林至額爾古納河口。夷險通算。

約不過三萬金。可以葺事。此實無可再省者。其沿邊衝要之途。舍滿洲里鐵路外。以庫克多博爲最。界外各處俄人之來華境者。均由此渡額爾古納河。越界循根河而上。至色格勒吉舊卡倫。以達海拉爾城。又可由根河經布特哈界庫魯格卡倫。至墨爾根黑龍江城。以赴俄界之阿木爾省。華俄人由海拉爾販運私酒。並赴華俄各金廠工作者。亦必經庫克多博。其次則珠爾干河總卡倫。額爾古納河口兩處。爲俄人越界入山與鄂倫春交易之處。亦關緊要。

交通二 郵車

俄境各屯。皆備有郵車。彼族名曰博其圖由國家資助。民間承辦。除傳遞文報外。來往商旅均可僱用。按站換馬遞送。冬令於河上駕駛冰橇。每一日夜可行三四百里。最爲捷速。我境亦宜仿行。自庫克多博起。至額爾古納河口止。每卡由官給馬八匹。自備冰橇兩輛。詳定章程。以便遵守。用款不過數千金。官民均稱便利矣。

交通三 額爾古納河行船

陸路要矣。水路不通則運輸仍屬遲滯。而國際河流之航權。盡爲外人所握。亦非計之得也。額爾古訥河。係中俄公共之水。乃俄人輪舟激駛。上下相連。左右岸均有船照。以識水道。由額爾古訥河口。可上達至吉拉林對岸。俄屯臥牛槐布拉等處。我則片帆絕影。沿途往來載運。皆仰給彼族。往往受其要挾。如僅恃陸路。夏秋之際。山水漲發。卡倫運糧。中途阻滯。貽誤良多。揆時度勢。航路實不可須臾稍緩。所慮者。額爾古訥河下游兩岸。均係懸崖絕壁。水大溜急。風船可順水而下。不能溯流而上。非輪船難以爲力。輪船復需款甚鉅。加以沿邊地廣人稀。除載運沿邊卡倫糧餉外。貨物實屬無多。開辦之初。必致賠累。此招商集股。所以每裹足不前也。如責成各卡倫公共辦理。亦實力有不足。統籌全局。是宜由省城另籌鉅款。合吉江兩省。立一輪船公司。派熟悉船政之人。專理其事。以松花江黑龍江爲正路。以額爾古訥河嫩江爲支路。一氣貫注。化板爲活。邊腹各地。商壑均易振興。於行政軍事。亦多裨益。其利誠非一端。則開通全局者。在此。即開通倫境者。在此也。

交通四 界內應設電線之處

水陸交通。而消息不靈。遇事亦多延誤。沿邊俄界。於距界八十里之維窩答。有電報局一處。可通國內消息。有華界鐵路電線。可通國外消息。其沿邊未設電報之處。皆有郵政局。以通消息。我界則沿邊文報。向由卡倫傳送。道路遼遠。異常遲滯。方今整頓邊防。遇有緊急之件。必多貽誤。謂宜於倫城內設電報局一處。由倫城至省。尙可暫借俄電。由倫城至沿邊一帶。均自行安設電線。由倫城至庫克多博。總卡倫。暨吉拉林。珠爾干河。額勒和哈達。各設一電報生。其滿洲里新設之臚濱府。仍暫借俄電。以達於倫城。至額爾古訥河口。以東。邊愛輝轄境者。亦請一律興辦。如此則上下銜接。內外相通。邊荒數千里。麻木不仁之病。可立轉爲靈活矣。

第十一稅務 界內木植羊草牧畜皮張各稅如何徵收及數目

國家籌款營屯重在實邊而不重在言利沿邊初辦屯墾正當力從寬大使各省人民聞風趨赴以植繁庶之基豈宜驟言徵稅作目前之計但邊荒寥落防守久疎我界物產如草木等類向任俄人伐割無人過問彼界村屯日密所產草木又不足供建築炊爨牧畜之用越界取携已成習慣一旦驟予封禁絕其生計必出全力以爭我界經營伊始豫備未周稽查既難嚴密盜伐實所不免操之過急恐生重大交涉而俄領馬那金及駐倫外部官吳薩諦復殷殷向我懇求暫允俄民越界伐木刈草牧畜因咨明省署與之詳定稅章並訂明一年一定以示操縱在我爲一時權宜之計俟我邊地日闢邊民日聚再當酌量情形隨時封禁由光緒三十四年五月起至十二月底止共收羊草牧畜稅俄盧一萬五千餘元木植稅尙未報齊據各卡稟稱約已收有二三千元皮張均係山內鄂倫春所獵稽查最爲不易前飭珠爾干總卡倫與俄商訂一簡便辦法近據稟稱自光緒三十四年十月起至宣統元年二月止有俄商六家包納稅項俄盧二千元本年察酌情形另行

定章辦理統核上年半年內共收各項稅款不下二萬盧布事經初辦爲時已晚不無疎漏本年自春季辦起將來卡倫設齊稽查周密收欸當不止此似此辦理主權利權兩無所失國際邦交均能兼顧而取之俄民於邊荒招墾亦毫無窒礙且化無用爲有用是亦籌欸之一大宗也收稅章程附後

俄人越界割草章程

第一條 俄人越界割草。本與兩國約章不合。在應禁之列。因兩國和好。界內各草甸。亦尙未開墾。上年從權暫准納稅領票。越界割草。今將上年章程。重行酌訂。以便遵守。

第二條 吉拉林大溝。自口門起。暨溝內各小溝。並有華人領地之處。及各溝內已經華人承領之草甸。各局卡附近在華五里以內之草甸。與各局卡界內經華人領墾地方。並距奇乾河烏馬河礦務局附近二十華里以內。均不准俄人割草。其餘各地方。距額爾古訥河二十華里以內。從權暫准俄人報明領票割草。如二十華里以內。實無羊草。或並無好草。由局卡查明。方准在二十華里以外割草。惟不准出卡倫稽查範圍之外。以致照料不及。

第三條 既從權暫准俄人越界割草。應即繳納草稅。每草一布特。納草稅羌錢一各別零一文。每十布特。加收票費羌錢一十文。計十布特。共應收錢十二各別。票費在內。其割草領票期限。仍自本年五月初一日爲始。

第四條 各屯割草。須先由各屯長報明割草姓名。指明何處。由吉拉林設治局。滿洲里邊墾局。或庫克多博珠爾。千河兩總卡。倫暨阿巴該圖。珠爾特依額勒和哈達。三卡官處。查明該處無華人承領。無別項窒礙。方能允許。允許之後。預計割草若干布特。照章交足全稅。發給草票。方准刈割。割完。將草堆積成垛。小以五布特爲一垛。大以五十布特爲一垛。以便局卡派差查驗。若草垛過多。不能挨查。酌量抽查一二垛。餘即類推核算。如恐分兩不能恰合公允。可將草梁先用華尺丈量。後用俄秤稱之。以冀得其均平。其所割數目。如不足票內之數。前交稅款。概不退還。仍照草票數目。換給運票。方准拉運。倘所割之草。較草票數目加多。即按加多之數。補足草稅。方准發給運票。統限至華歷十二月十五日運完。未經點驗以前。若私行運走。局卡未得臨時查獲。事後即按照票根人名草數。向俄屯長追究。照原領票。照草數加罰稅錢一半。若已經點驗。不領運票。即行拉運者。查出將草入官。

第五條 所割之草。或因路遠。或因無雪。或因河水未堅。以及遇有意外事故。屆期不能拉



運或已運而未經完竣者准其展限。審量地方情形。至能運出時為止。惟須報由各局卡查明情形。核准後方准照辦。然祇准展限拉運。不准將已割未運之草就地喂養牲口。

第六條 如查無華官所發草票。私自越界割草。將所割之草入官。並將私自割草之人。交就近俄官照竊盜例懲辦。其在漠河奇乾河所領草票。吉拉林設治局滿洲里邊壘局及各卡倫概不承認。

第七條 俄人割草。如本人不能自割。僱有把頭。須將把頭姓名註明票內。以便稽查。如其名票不符。即將羊草入官。

第八條 割草地方既經指定某處於票內註明。即須在某處刈割。完時聽候查點。如執此一票。又另在他處照數割取一份。查出將兩處所割之草一併入官。並從重議罰。如其原指草甸實在割不足數。准其報由局卡查明允許。方准擇地另割。並將另擇處所註於票內。以備查驗。

第九條 各處草廠有寬長至五六十里。統為一地名者。俄人等若先後領票割草。共指一

處。應由領票局卡派差按領票先後。以次劃定界限。並由本人自立記號。以免爭執。

第十條 割草無論人數多寡。均須註明票內。過界時攜帶此票。以便稽查。並不准私帶槍械。如須攜帶獵槍或手鎗自衛者。每票一張。祇准兩桿。均須報明局卡。於票內註明。違者查出將鎗械扣留入官。

第十一條 俄人已割之草。歸本人自己看守。如有火燒丟失。及牛馬牲畜踐食。於局卡無涉。所交稅款不能退還。其割草時只准搭蓋小窩棚。以避風雨。不准蓋房居住。割草事畢。即歸俄屯。

第十二條 准俄人越界割草原為敦睦起見。兩國人民須益形親睦。不得因割草有爭執。行強情事。違者將草票追回。既在中國境內。應由局卡擊交就近俄官懲辦。

第十三條 以上各條係指宣統元年割草而言。明年准否割草。仍須查看情形再定。且專指呼倫貝爾轄境至額爾古納河口而言。自黑龍江即阿木爾以下。係愛琿轄境。與此章無涉。

第十四條 以上各條譯成俄文黏連華文之後發給各俄屯以便俄人有所遵守如有應  
需核對質証之處以華文為主

俄人越界牧畜章程

第一條 俄人越界牧畜原非兩國約章所有因兩國和好上年從權暫准納稅領票越界牧畜以敦睦誼今將上年章程重行酌定以資遵守

第二條 各屯越界牧畜每牛馬駝一頭每月納稅俄洋十三個別票費一個別共十四個別其不食乳之小馬牛駝在二歲以下者每頭減半其食乳之小馬牛駝免稅山綿各羊每月納稅羌錢三個別崇費半個別其不食乳之羊羔減半食乳者免稅牧放日期均自本年章程訂定宣布之日爲始

第三條 俄人越界牧畜須由屯長在吉拉林設治局滿洲里邊墾局或庫克多博珠爾干河兩總卡倫暨阿巴該圖珠爾特伊額勒和哈達三卡官處報明俄戶若干共有牛馬駝羊若干按照第二條章程交足草稅票費方能發給執照准越界牧放其牲畜名色數目併註票內此票應每羣呈領一張俾資查驗以一個月爲限牧放不滿一月者亦按一月收稅限滿即將原票呈繳下月如欲接放赴局另領其牲畜數目照上月如有增減隨時

報明詳於票內凡牧畜之人必攜帶牧畜執照呈由局卡驗明始准其越界牧放如經局卡查無執照即將牲畜扣留入官若有執照其牲畜數目與票照不符按少報牲畜數目照應納草稅補交外再罰兩倍

第四條 沿額爾古訥河各溝距河十華里以內凡無華人墾種之荒及無卡倫之處均可牧放惟不准在十華里之外其吉拉林大溝自口門起及溝內之各小溝並奇乾河烏馬河二十華里以內留作金廠自行牧畜之地亦不准俄人越界牧畜違者將牲畜入官至沿額爾古訥河各溝凡有華人墾種青苗菜園及有卡倫之處四面各五里以內均不准牧放以免有碍種植其有林木之處及已刊林木將生小樹之處皆不准牧放違者每牲畜一頭罰俄洋一圓

第五條 牧放牲畜如有踏損華人青苗菜園情事准華人先將牲畜扣留到設治局邊墾局或就近卡倫報明由局卡酌量踏損之多寡與就近俄屯長議定價值責令牲畜本主賠償其扣留牲畜看養費須由俄人計日算繳倘不認賠償即將牲畜扣抵被損之人

第六條 牧畜之人帶有執照可以時常往來其牲畜須自行照料如有丢失傷亡與局卡無涉如求局卡幫同尋查可以酌允派人以示敦睦之意

第七條 越界照料牲畜之人祇准搭蓋小窩棚不准蓋房居住並不准私帶槍械如須攜帶獵槍及手鎗自衛者報明局卡在牧畜票內註明每羣祇准帶二枝不准多帶違者將鎗扣留入官

第八條 俄人牧畜地方如有華人在彼牧畜須互相照料以敦睦誼不得彼此爭執若華人所放牲畜跑入俄人牲畜羣內或俄人牲畜跑入華人牲畜羣內均須聽其尋找不准隱匿如果有心隱匿無論華人俄人一經查出除將牲畜交還原主外每牛馬駝羊一頭按照所值價錢由局卡與俄屯長議罰如有抗違照相當之數將牲畜扣留

第九條 照料牲畜之人係屬俄人或係僱用華人某姓某名均須報由局卡註明票內於過界時呈由局卡查驗其人與照內姓名不符者將票扣留不准過界牧放以杜未領牧照者借票通融牧放希圖取巧

第十條 准俄人越界牧畜原為兩國和好起見華人俄人應益加敦睦倘俄人有兇橫行強情事既在中國境內應由各局卡倫拏送俄官認真懲治其有關係牧畜兩國人民交涉事件以上各條未及載明者報由華官知照俄官和平商辦

第十一條 第二條所載牛馬駝羊稅錢數目係專指牧放牲畜而言與割草無涉越界割草另有專章

第十二條 以上章程專指宣統元年而言明年准否越界牧畜仍須查看情形再定且專指呼倫貝爾轄境至額爾古納河口而言自黑龍江即阿木爾以下係愛琿轄境與此章無涉

第十三條 以上各條譯成俄文黏連華文之後發給各屯長以便俄人有所遵守如有應行核對質証之處以華文為主

砍木鑿石章程

第一條 沿邊俄人越界砍木鑿石。本與兩國約章不合。在應行禁止之列。現因兩國和好。暫准納稅領票。越界砍鑿。明年應否照辦。再行隨時酌訂。

第二條 凡華俄人等。欲在呼倫貝爾沿額爾古納河界內砍木。必須先行指定地名段落。里數。暨砍取何項木植。並某項若干。到就近發票局卡。報明經官查驗。必須與華人生計無碍。刊明記號。方准發給砍木票據。應納稅課。即按擬砍數目。照稅則先繳半稅。此半稅無論將來砍木多寡。概不發還。不繳者不准給票。俟木植砍齊。照所砍數目補繳未交稅款。如所砍止足原擬數目之半。不再收稅。如未領照私自砍木。將所砍之木入官。其私自砍木之人。即照竊盜例懲辦。俄人則送就近俄官究治。

第三條 領票砍木者。因先估之數太少。此地所出之木尙多。或欲在就近地方展砍。亦須先納半稅續領大照。方准再砍。如未續領大照。先行動工。亦爲私砍。照第二條私砍處治辦理。

第四條 木植砍齊。須先到原領票據局卡報明。經官點驗清楚。按數打印記號。交足所欠一半稅款。發給運票。方准拉運。此項運票。不收票費。限至次年正月十五日運完。倘因道路無雪。或有緊要之別情。耽擱應先到領票局卡報明。酌予展限。然至遲亦不得逾次年二月底。均須運完。或運至河干。所有木料。由砍木人自己看守。倘有遺失。與局卡無干。其運至河干者。俟開河時。或穿筏。或船運。自開河日起。不得過一月之期。均須運完。其運木時。應由局卡查驗。如無記號。或無運票。或有運票。木數與票內數目不符。一經查出。除補納正稅外。仍照應交之稅款數目。加二倍科罰。

第五條 砍木時。只准搭蓋小窩棚。以避雨雪。不准蓋房居住。將木運畢。即歸回俄屯。

第六條 木稅均按尺寸徵收。用中國官定木尺丈量。大木從小頭鋸口計算。火柴均須堆成古勃。以便點驗。仍以六尺六寸立方計算。爲一古勃。

第七條 凡領票砍木者。除照納稅項外。每票一張。應繳票費。羌錢一元半。

第八條 凡沿邊俄人領票砍木。一俄屯只准指定砍木段落一處。倘所指地段。木植不敷

應用。應俟在該處砍畢時。再行指領他處。以便稽查。

第九條 領票砍木者。如註明大木。則所砍木植大頭尺寸。必須徑在華尺八寸以上者。方准砍伐。不及八寸者。概應留養。不准濫伐。至雜項小木。僅可取作火柴。或房椽。扁担。斧把。車轆。車弓。車轂等項。必須小木者。不在此例。

第十條 砍木須先留意。不可損傷小樹。除砍樹之地。放倒壓壞。不計外。於運出時。應先開通道路。道路以外之小樹。概不准稍有損傷。違者。按所傷樹木。每株罰俄洋二元。

第十一條 剝取松皮。其樹大頭。必須徑在一尺以外。樺皮。其樹大頭。必須徑在八寸以外。方准剝取。倘不足此數。濫行剝取者。每株罰俄洋三元。

第十二條 凡砍木時。均須慎防火災。倘有不經心。或故意放火燒山者。由就近局卡。詳查情形。並視所燒山林多少。分別輕重。罰俄洋十元至二百元。如係俄人。知照就近俄屯長。會同辦理。

第十三條 砍木之人。不准私帶鎗械。如欲携鎗自衛。亦須報明原領照局卡。在照內註明。

每砍木廠。祇准帶獵鎗。或手鎗二隻。不准多帶。違者。將鎗械扣留入官。

第十四條 砍木須遵照定界址。不得越界亂斫。斧鋸亦不得因砍木有爭執。行強情事。違者。將先交半稅入官。大照追回。並將越界爭執之人懲辦。俄人則送就近俄官處辦理。

第十五條 凡鑿取石塊。應先將取用數目。報由就近局卡指定。與草木道路房屋一切均無妨碍地方。先收半稅。發給准鑿石塊執照。始准鑿取。每票一張。收票費羌錢一元半。限一個月鑿齊。鑿齊時。即由鑿石人。將石塊堆成立方古勃。報由前領執照局卡。點驗清楚。發給運票。始准拉運。運完距發給運票時。不得過一個月。餘照砍木通章辦理。

第十六條 此章係指呼倫貝爾轄境。至額爾古納河口而言。自黑龍江。即阿木爾以下。係愛琿界。與此章無涉。此章祇指本年砍木而言。明年仍須查看情形。另行酌定辦法。

稅則列後

大木 各項松木

長華六尺六寸即俄一沙申。徑由一寸至二尺。每寸收稅錢一個各別四分之三。由一尺一寸至一尺五寸。每寸收稅錢一個各別。由一尺六寸至二尺。每寸收稅錢二個各別。由二尺一寸以外。每寸收稅錢三個各別。長華一丈三尺二寸。即俄二沙申。照一沙申加倍計算。長華一丈九尺八寸。即俄三沙申。照一沙申加兩倍計算。長華二丈六尺四寸。即俄四沙申。照一沙申加三倍計算。長華三丈三尺。即俄五沙申。照一沙申加四倍計算。徑寸均一律逐加。

雜木

與各項松木長徑尺寸相同。按各項松木稅則。減去十分之三。照七成徵收。

木板 各木均同

長一沙申。厚華一寸。寬華一尺以內。每塊收稅錢一個各別。寬一尺一寸至一尺五寸。收

稅錢一個半各別。寬一尺六寸至二尺。收稅錢二個各別。寬二尺一寸以外。收稅錢三個各別。長二沙申至五沙申。均照大木照一沙申依次加一倍二倍三倍四倍計算。厚一寸五二寸三寸者。照一寸加半倍一倍二倍計算。

硬木火柴 松 樺 柞 槐 黃 柏 水 樞 柳

華六尺六寸立方。即俄一古勃。收稅錢一元八角。

軟木火柴 楊 柳 椴 黑 楸

每古勃收稅錢一元五角。

椽子

長二沙申。每徑一寸。收稅錢一個各別。由一寸至三寸五分為止。再大即以大木計算。每戶祇准砍至百根為止。再多即不准發票。

木炭

每古勃收稅二元四角。

車底撐。

每付收稅一角。

全輻車輪。

每二個收稅二角。

車輻條。

每付收稅一角。

車輞子。

每兩輪收稅八個各別。

車軸。

每根收稅五個各別。

車轆。

每付收稅五個各別。

耙架架子。

每個收稅一角。

木楸。

每把收稅三個各別。

掃帚。在已經砍倒大樹樹枝取用不准伐取小樹

每百把收稅二角。

扁擔。

每百根收稅二元四角。

斧把。

每百根收稅一元。

柳條。

每古勃收稅三角半。

車弓子。

每個收稅五個各別。

松樺皮。

每布特收稅一角。

石塊。

每立方古勃收稅一元。



第十二兵防一 界內土匪及俄匪之闖入何處最多並應如何設防

呼倫貝爾沿邊荒涼空曠。人迹罕到。向無居民。故亦無匪患。自東清鐵路開通。土匪麇聚。良莠不齊。俄匪其立羯子。亦時常闖入。混迹各站。滿洲里東西沿邊一帶。蒙民屢被搶掠。殺傷之慘。年餘以來。已有十餘起。邊境既無防兵。任其出沒。而無如何。亟宜於滿洲里迤西迤東。擇要屯紮巡防兵隊。並於倫城專駐一營。爲游擊之師。庶可保衛邊蒙。而無虞擾亂也。

兵防二 沿邊何處最爲險要可以屯兵

呼倫貝爾爲黑龍江西邊門戶。外蒙古尾閭。有屏蔽省城。控制喀爾喀之勢。且興安嶺橫絕中間。儼如甌脫。一旦變生不測。首尾不能相顧。省城西邊之門戶失。即喀爾喀外蒙之尾閭不固。沿邊千餘里。又在在皆關緊要。據險設防。厥有三處。滿洲里爲倫城西邊第一門戶。東清鐵路入中國。以滿洲里爲首站。西達俄都。東貫我吉江兩省。一有兵事。由西伯利亞運糧運兵。數日可達我腹地。急雷不及掩耳。惟有束手受縛。於此處屯駐重兵。外可

截其來路。內可制其歸路。在我得迎頭扼吭之勢。在彼有進退維谷之虞。險要一。額爾古納河口。與黑龍江會流。爲俄國輪船上下往來之孔道。由此溯黑龍江而上。可直達俄境。四特列今斯克鐵路。溯額爾古納河而上。可抵庫克多博。以達倫城鐵路。由此順黑龍江而下。可達愛暉三姓哈爾濱等處。彼族現正經營阿木爾鐵路。緊逼黑龍江岸。與額爾古納河口。僅一江之隔。水陸交通。頭頭是道。於此處屯駐重兵。上以杜其來倫之路。下以截其赴愛之途。使之首尾隔斷。於兵事上最爲得勢。險要二。庫克多博爲邊境俄人來倫要道。由此過俄境。可抵紮窩答。以達四特列今斯克鐵路。由此來我境。可達倫城。並可由根河山路達墨爾根愛琿及省城等處。應屯勁旅一枝。外以制敵人奇兵。內以固倫城守禦。西與滿洲里遙爲援應。北與吉拉林兼爲照顧。險要三。珠爾干河處。額爾古納河下游。適中之地。上距庫克多博。下距額爾古納河口。均甚懸絕。亦應屯勁旅一枝。鎮懾沿邊俄人。且爲額爾古納河口後援。免被敵兵將中間截斷。險要四。設此四險。邊境已甚周密。然後路無兵。仍不足以固根本。水路無舟。仍不足以資策應。再於倫城屯紮重兵。爲各路聲援。

於黑龍江額爾古訥河。製造輪船。編練水師。爲全邊血脉。庶幾掉轉靈活。無懈可擊。此雖  
爲倫境邊防言。實於全省邊防關係匪淺。但有人乃能有土足兵必先足食。倫境地廣人  
稀。荒田未闢。若必遠調客兵。轉餉內地。勞費過重。難垂久遠。爲今之計。宜先遷民實邊。務  
農積穀。並及此閒暇。將原有各蒙旗。撫循教育。堅其愛國之志。振其尙武之風。行之數年。  
蒙旗知識漸開。人民漸聚。荒地漸闢。以招兵則有人。以養兵則有糧。然後寬籌餉項。多備  
器械。嚴挑精練。扼要駐防。進戰退守。在在資。庶可建威銷萌。慎固封守矣。

第十三俄屯 界外俄屯之大小疏密及兵村民村生產風俗

沿邊俄界村屯共大小四十六處立屯之始即在中國設卡之年惟彼國經營不遺餘力故能星羅棋布雞犬相聞以視我界十餘里蔓草荒烟渺無人跡未免相形見絀俄境皆係兵村彼族名曰嘎雜克即華言馬隊與中國之旗籍同其不隸嘎雜克者惟洽羅布其一屯耳男自二十歲即入兵籍至六十出兵籍無事則居家爲民有事則入營爲兵雖無事之時出游必須有票將所游之地所行之事均載明於票內如無事出游至百里外者即爲逃民此法不但有事時招集爲易且可防盜賊之潛匿充兵之時衣帽鞍馬均必自備每月僅給俄盧五百文食糧則由官給與平民異者惟所種之田無賦稅耳日俄之戰沿邊各屯陣亡者甚多至今言及之壯者尙怒髮衝冠怯者直終身不敢言戰矣其沿邊出產草木均不如我境之盛惟有金廠數處產金最旺其居民均以牧畜墾種爲業並隨時漁獵亦有入金廠挖金者至秋初刈割羊草或乘馬或駕車裹十數日之餼糧前往山溝河甸直與內地秋收無異蓋沿邊俄民以牧畜爲營業之大宗牧養牲畜則以羊草爲最要

彼界所產羊草不足供彼民之用非取給於華界不可故當羊草豐盛之時無貧富無男女均入山割草屯中幾爲之一空留以守家者僅老弱而已其國酒稅最重稽查甚嚴華酒入境如被查出雖至少必須傾棄男女均嗜酒凡禮拜神節之日即遊息飲酒終日長昏飲者且無屯無之雖重稅不恤流毒直與中國之鴉片等每屯置阿得蠻一即華言若千屯設總阿得蠻一大屯則有稅官各屯均置公所蒙學堂堂各一屯長由屯中公舉管理一屯之事即地方自治董事會之會長也新水亦由屯中公籌公所爲接待來往官差及會議之處蒙學堂設教習一員由本屯自聘教堂爲婚嫁喪葬誦經之所中有教士二三名葬埋則一屯均歸一處不准自行擇地婚嫁不用媒妁之言自行擇配擇定各請命於父母而結婚焉其屯名及大小疏密列表如左

俄屯戶口里數表

屯名	沙爾松	阿巴該圖	南林	開拉蘇台	嘎布司該	都埒以	四大列矣粗魯海圖	挪維依粗魯海圖
戶數	一十二	八十五	七十一	一百六十一	四十四	九十餘	一百二十三	二百一十一
口數	九	五百一十	八百	八百有奇	二百有奇	五百有奇	六百五十九	一千有奇
里數	至	一百八十里	九十	九十	三十五	三十五	七十	五十

雜勒闊夫	布拉	伯爾今斯克	別勒維矣布得雷	夫多羅矣布得雷	洽羅布新斯克	霍林格	果爾布挪五
一百三十八	五十五	一百三十八	一百三十七	九十一	二百一十	二十一	四十四
八百有奇	五百有奇	八百有奇	七百有奇	五百有奇	八百有奇	一百有奇	二百五十有奇
五十	四十	三十六	一十	一十	十二	三	二十
里	里	里	里	里	里	里	里

達	阿	干	達	西	木	畢	雜
木	拉	馬	拉	連	拉		布
蘇	克	勒	斯	音	其	拉	心
四	一	七	五	六	三	四	四
十	百	十	十	十	十	十	十
餘	七	餘	餘	餘	餘	餘	餘
三	五	四	三	三	一	二	二
百	百	百	百	百	百	百	百
有	有	有	有	有	有	有	有
奇	奇	奇	奇	奇	奇	奇	奇
六	十	四	十	八	十	三	四
里	里	里	里	里	里	十四	里
						里	

巴	一	盧	葛	敖	臥	都	洽
得	勺		留	洛	牛	布	羅
耳	嘎	溝	其	氣	槐	了	布
四	一	四	七	二	一	恩	其
十	百	十	十	百	百	克	五
餘	七	餘	餘	七	三	七	十
三	十	三	一	一	十	一	七
百	五	百	百	千	六	百	二
九	百	有	有	有	百	有	百
十	有	奇	奇	奇	有	奇	有
有	奇	奇	奇	奇	奇	奇	奇
奇	八	八	二	四	十	十	七
四	里	里	十四	里	六	六	里
里			里		里	里	

葛其牙	馬林	烏蘇洛普	巴西羅夫	馬林巴西洛夫	魚立牙	繞登科	斐多土
二	五	二百三十餘	三十餘	二十餘	八十餘	七十餘	三十餘
十二	十餘	一千五百有奇	一百有奇	一百有奇	七百有奇	四百有奇	一百六十有奇
一百有奇	一百有奇	七十	六十	二十四里	二十里	十八里	十里
三十六里	七十里	七十	六十				

魯畢	烏賓	穆赤堪	一各大大其	四大了克	博格羅夫	
二	七	二	十	二	一百五十	統共二千七百三十餘戶
十一	十三	六	二	六	八百有奇	統共一萬八千四百餘口
十二	十四	有奇	十	有奇	十二里	統共一千四百四十二里
六十	七十	九	九	七		
十里	十里	十里	十里	十里		

說明  
查俄屯戶口係彼族內政未便明查有向俄屯長細詢者有暗中調查者故未能均得一定確數

附錄假道俄境調查記

戊申調查之役。往時由陸路至吉拉林。由吉拉林則僱覓小舟。以達於額爾古訥河口。歸時以額爾古訥河水大溜急。不能溯流而上。遵陸又無道路。遂假道俄境。於八月二十三日申刻。由額爾古訥河口之博格羅夫俄屯。乘俄人博其多輪船。即華郵政船溯黑龍江上游。即界約所稱石勒喀河而行。子刻至俄屯波沃羅特那牙。停船一小時。二十四日卯刻。至俄屯阿泥及那。停船一小時。午刻至洽娑沃矣新火車站。停船一小時。此處鐵路。詢係新修。爲豫備修阿木爾鐵路運材料之支路。沿岸有新修之木梁房十餘間。皆係傭工者所居。並無土著之民。二十五日亥初。至司特列今斯克。由右岸下輪船。詢聞此處向係民屯。嗣因爲輪船火車來往交接處。商民遂聚集於此。俄商約五十家。華商七家。華人僑居於此者。約五百餘人。作工者居多數。其餘則係小本營生。並無門面坐落。並有在此設花會賭局者。每人均有人票。爲商者有商票。分一二三等。人票則一年按兩季交錢。每季交羌錢一元。該處有武官一員。俄人名爲包果夫泥克。與中國之參將同。裁判官一員。俄人名爲米勒沃

蘇及牙。稅官一員。其官商居民房屋。均在江右岸。鐵路在江左岸。有火車站房數間。賣食品者數家。沿左岸山坡上。復有新修之房屋一百餘間。不知是官是商。抑係民房。是夜在右岸俄旅館住宿。由額爾古訥河口至此。係逆水南行。約華里七百餘里。沿江兩岸。皆係邱陵起伏。松樺叢雜。凡有電報局之處。則必停泊。左右岸均有俄屯。惟不及額爾古訥河左岸俄屯之密。二十六日。聞有兵船數隻。在江中操練。遂往觀焉。計共兵船十二隻。皆係今年新造成者。其色黑綠。首尾俱圓形。外包鐵葉。首置大礮兩尊。有旋螺。隨意轉動。兩旁有圓孔數十。係置小礮之處。每船載兵百餘名。以華尺計之。長十九丈六尺。寬三丈六尺。其船塢在距此三十餘里之庫克矣。共新舊船塢二處。在舊船塢造船八隻。新船塢造船四隻。聞今又造新式兵船十隻。因此處船塢難容。遂在黑河製造。亦將不日告成。二十七日午刻。渡江至左岸車站。買票登車。申初至庫克矣。華人呼爲滿歸車站停一小時。鐵路北有未鋪木鐵之支路一條。亦係爲阿木爾鐵路運材料者。戌初至聶爾沁斯克車站。停一小時。該處係一郡城。即國中俄分界之尼布楚在鐵路之北。相距十里許。爲商賈輻輳之區。二十八日上

午卯初至克類木斯克車站換車。遂下車。候由赤塔所來之車。是日天寒。水已凝冰。午初赤塔火車至。遂登車開行。未刻至吉代矣。司季克。吉代即俄言中國人拉及拉茲得車站。蓋赴滿洲里。中國界東清鐵路。即由此分路。故謂吉代亦司季。東南行二十里許。過黑龍江。俄人謂此為石勒喀河。再上游即鄂嫩河。橋係石柱鉄梁。申初至阿得力阿挪夫克車站。停三小時。火車至此。盤山而行。曲折高低。不直不平。車行極難。前後用兩機汽車推挽之。且不敢速行。酉刻至邪大羅夫車站。停一小時。據俄人云。此一帶之山名牙布羅斯闊矣。國類。因此山多盤道。華人遂呼曰盤山。戌初至布力牙特。布力牙特即歸俄國之蒙古斯克牙站。停一小時。至此則樹木甚少。山勢亦低。二十九日已初。至娑可圖矣。車站停一小時。至此則均平原土嶺。午初入中國境。至滿洲里換車回倫。

